


SOOKOHA NI SOOWAAKHULA

AHEPERI MPANTTE III

 ...okhala-tho va ohiy'ula otapernakulu, wira nikelele opatthana nno wooreeraxa ni okokhorela va Masu a Muluku yaawo ninvahiwaahu mahala-ene. Ni hiyo nri...ninniphenta wira mpantte wa eparakha yeela.

⁵⁵⁴ Ni kinroromela paahi wira Muluku onoonireeriha ohiy'ula ntoko Owo siiraly'awe voosiis'ula, ni mutthaka wa voosiisu. Nto miyo kaalavula ni namwaattamanani aka, Muhano Wood, okathi vakhani ovinre, nto hiyo naamuvaanyihana, ni Mwenye Wood n'akina. Ni kookupali wira waari mutthaka wootepaxa oreera wa Munna Neville wa sothene sooreera owo olaleiyaawe, owo ti waari wooreeraxa wa miyo ovikana khula mmosa owo otonko awe olaleya mpakha va. Vekeekhai miyo kaahixankela ni okisivela mutthak'ole wooreeraxa. Ni waahikivaha ominyala, ni wookookolela. Vano miyo—miyo okisivela weemererya ekeekhai, nyuwo moosuwela. Tivo, mwaha wa ipantte soolipiha murima, moosuwela, okhala oolipa murima, ni moota wo...Davidi aari vale, ni moota owo...Okathi mowehereriwani mmwe wuulupale, ohiya wira “Ahe, kinoorowa wira ela, Pwiya, Nyuwo mukikhaliherye paahi,” owo aaroolipelela, khurowa khwaakoha Apwiya etthu yo wira. Owo aaruu hale ekuwo ya vatthirima, moosuwela, khwira, “Vano nrowe nivenye nimukohe Muluku, ‘Niireke exeeni mmukacamihoni mu?’” Oh, eyo yaari yoolemela saana. Eyo yaahikhalanaxa ivitamiina ovikana ipa sothene sinipwehiwa mirette saakhanle mulaponi. Ayo, mulopwana, eyo ennookhalihani saana vekeekhai.

⁵⁵⁵ Vano, ohiy'ula, hiyo—hiyo khanintthuna olekela ovikana ohiyu eriyari, nawerya vale, mwa sookoha iya. Tivo hiyo ni—ninrowa okela mwa seiyo, naanaanoru. Iwo p'umaliherya va sookoha iya, nto khula okathi kimpaceny'aka omaliha... Vano, Munna Hattie muthiyana, nkaatthuna ohimya yeeyo, moosuwela eyo. Miyo—miyo kaamuhimya paahi wira, moone; nto, vaareera. Masi miyo kookhalana kamosa-kamosa soolipa va sa murumeyi mmosa, ni iyo ti soolipa saana waakhula. Moosuwela, alaleyi awo, awo anoovirikanyiha mBibiliani mothene ni ophavela ophwanya waakhula waya aneene awo ehinatthi wookohani, moone. Vano nto...nto ela enookaravariwa mufiitani, enrowa mpakha oGeorgia wa murumeyi mmosa mpatthani aka yoowo orina sookoha thanu na tthaaru soosuwanyeya sa Bibilia va seiyo sikhlanle saana, soorika saana.

⁵⁵⁶ Nto vano, esuman'ela enoorwa, muhiliyale ni munivekelele.

557 Nto amwaar'aka khareere okhala saana; awo aavenya vano, ni aakhaliherya waapeya, olelo. Apatthani ahu oophentiwa a oCanada, Munna mulopwana, Munna Sothmann muthiyana, arisa vaava enixekuryaka, nto vekeekhai hiyo ninnixukhurela oxekurya waya. Nto amwaar'aka, asuwelaka wira awo yaanirwa, vano, awo yaarowa ovenya wira ewerye ohakalala vakhani ni opatthana w'atthu ala aKristu oophentiwa. Nootteeliwa murima okhala ni Munna Freddie ni hiyo ohiy'ula, n'uwo aahikhala ni. . . Owo aari vaava voosiis'ula, masi kookupali wira aahikhala ni. . . nnari, ti yeeyo, owo aari ni Meda, wira akhale ni yoowo okathi waarwaahu nno; okhala wira koosuwela wira onookhala woolekela vakhani ohiy'ula, yookhala ekomunyawu ni orapiha inawu. Tivo ninnitteeliwa murima okhala n'awo ni aletto ni hiyo.

558 Vano, nihinatthi opacerya ophavela opacerya waakhula sookoha. . . Nto muupuwele paahi wira miyo—miyo pooti ovonya, moone, miyo—miyo nkinihimya wira kookhalana exariya mwa itthu sothene siniir'aka. Miyo—miyo kimpavela kikhaleke eekeekhai, masi khino miyo ka—miyo koovonya. Ni—ni kavonya vale, nto nyuwo mukilevelele paahi; ni kinvekela wira Muluku akilevelele, nave, okhala wira nkinlakela ovonya. Nkineererya waakhula iyo paahi okhala- . . . wala enamuna paahi ki. . . mwaha wa ethiru, miyo kinaakhula mwa enamuna yoomalela oreera kinsuwel'aka, moone. Nto vakhala wira kihaana orukunxa miyuupuwelo saka mwa yookoha ya Bibilia, kinoona wira eyo t'itthu yo wira. Naahaana orukunxa, khula okathi, Masu a Muluku yaalavulaka; okhala wira awo Masu a Muluku.

559 Nto vano, kinoona wira ninrowa waavekelela-tho aretta ohiy'ula, ntoko kweekwe. Nto imaara sikina nyuwo munootikininihiwa; nyuwo munookuxa ntoko nikhuru naamukhaani ntoko nla, nooyeva ovikana, oh, etapernakulu yaamukhaani va, nto imaara sikina nyuwo khamunoona iphwanyeryo mwaatthun'anyu woona. Masi etthu ene, eniir'anyu, nyuwo munnikhhalana iphwanyeryo mwa atthu oophiyaka imiya piili. Nto mmosa wa mithukumano suulupale, khino nyuwo muniphwanyanya nipuro nimos mwa ikonto tthaaru mpakha muloko, moone, ni—ni khino soovikana. Vano ti siiso, muniphiyery'anyu woona iphwanyeryo suulupale mmititthini. Masi ohiy'ula, miyo kinnikhala kaakhulaka paahi. . . Tthiri atelefooni ahu anniruma khula minuutu vakhani nihiku nothene ni epantte y'ohiyu.

560 Ola ti Muhano Reisert okilante va, kininwehaaka? Bibilia anyu, munna, Munna Wood muthiyana t'orina ottuli iwe. Miyo kihooruuhelani voosiis'ula, ni miyo—miyo nkiphienrye owunyanani. Ni nki—nkiwonnani voosiis'ula, nto Muhano Wood t'orina.

561 Vano omwaakhula telefooni ni kisuwelaka i—itthu suulupale siniiriwa. Muhano mmosa aahikilikarela, owo khwira, "Munna

Branham, miyo kaari vamuthukumanoni *khata-khata* ni kaanihaawa ni mukattyamiho *khata-khata* okathi *munciene*. Nto, moosuwela, nyuwo valavunle-anyu paahi ottuli iwe, ni paahi. . .” Khwira, “Miyo kaahalela ohileya okathi Eyo elavunly’aya mwaha wa makhalelo aka a khalayi.” Ni khwira, “Nto miyo nkinahaaweke okhuma vaavo.”

⁵⁶² Nto muhano mmosa aahirwa khwira. . . Kookupali wira owo ori vaava ohiy’ula, ahiiso owo aarowa orwa eettihaka okhuma oBedford, kookupali, wala nipuro nlo weiwe. Mwan’aya aari muumu, kookupali, aarina eretta ya murima, mwa mukhalelo mmosa wootakhala. Nto owo aakilantthe vaava vamuthukumanoni, nto—nto Apwiya khweetteeta khimukwannya. . . khimuleela mmirav’owo sa muxankiho awe, ni khaawerya ovenxa moonoo awe, ni owereya wa murima, ni moonoo awe wothene wootthikelana, ni murim’awe sa. Nto naanaanoru owo aahivolowa mukaaroni khweettiha arowaka owaani, khonakhaleke oohaaxeya ni yeeyo okhuma vaavo. Ori vaava muhan’owo a oBedford? Muri vaava, muhano? Ole ori vale, ottuli. Ayo, owo oookiihana paahi, okathi vakhani ovinre.

⁵⁶³ Vano ookhala muhano mmosa aakiihanne a oEvansville. Ni khaawerya orwa va okhala wira onkhala ottaiwene saana, khaasuwela wira naamurowa okhalana muteko ohiy’ula wo ovoniha. Nto owo khwira, “Munna Branham, miyo kaahikhala omuthukumanoni wa oEvansville,” ni khwira, “nyuwo mwaaroweha muttitthi wothene nto khwira. . . khukihimeerya ole kaary’aka, ni etthu kairaly’aka, ni etthu kaahaawaseyaaka, ni sikina siiso.” Nto owo khwira, “Miyo kaahikhala mukacamiho ole wa mafuwa, nto kaahaana opaha muret’ole wa mafuwa ni sothene okatthi okhuma waary’aka mwaaruusi mwaamukhaani.” Khwira, “Soovira iyaakha piili, ni nkinakhalaneke hata nlepa nimoso na yeeyo okhuma vaavo.” Munnona?

⁵⁶⁴ Nto w’ale paahi ari vaava ohiy’ula, yahaari vaava voosiis’ula wira epuhe onamoono; miyo kaari muloooca wa isentavo muloko, kimuthumaka mwaattepa, nsana. Vano, owo khaari awaka yoomi, moone. Owo aari a mwan’aka mwaamukhaani, Rebekah, vale. Ni—nto Sarah aarowela etthu, ekina, olelo. Mmosa w’axirikh’awe ooxikola yaarinasa muthinto mmosa w’okhala vamosa, wa otthapela miyaakha wala etthu, nto owo aahikuxa yoovaha awe ekhaani; nto miyo kaamuthuma mwattepa mwaamukhaani a mwaana, oorakama so. Nto aahikhala muhano mmosa aakaattamenle vale, khwira, “Munnikuupuwela?”

⁵⁶⁵ Nto miyo khwira, “Kookupali wira nnari.”

⁵⁶⁶ Nto khuphiyerya osuwela, wira aari mmusi a Munna Neville va, wira. . . okathi waarow’aka oSuweesiya, awo. . . Owo aahirwa mu, aahikhala mwammiravo mmosa vakhaterani ya roota, oolikana ntoko Edith mwaamukhaani vale,

nto mwammirav'owo aarina kankuru, muwe wootakhala moottooporeni. Ni muru awe mwaamukhaani wowuuramela vathi, ni owo...nto matothoro yaanvahale isumana tthaaru paahi wira akhale. Awo yaaroomukuxa paahi wira emmwaleye, ni khoona wira yaari...ele yaari, nto khunvaha paahi isumana tthaaru wira akhale. Nto awo yaahaana omweettiha vakhaterani va iroota, vano nto khimuhela vanrepani okathi waaronwaawe musaala ommwaleya, nuumala khimuttikiha. Khurowa khunvekelela mwammirav'ole, khwaavekela Apwiya wira envonihe. Nto mmeeloni mwaya, okathi waamuroihaly'aya iwe, khwira, "Miyo nkinthuna ekhatera ele ya iroota."

⁵⁶⁷ Khuwela mukaaroni khweettiha orowaka iwe, nto tothoro khuruuha nrepa, khwira, "Nkinthuna nrepa nle."

⁵⁶⁸ Khutthimakela iwe khukilaathi, tothoro khummwaleya, khwira, "Ahe," khwira, "ohiya isumana tthaaru, miyo kinrowa woovahani miyaakha emiya ni mithanu na miraru nyuwo munrowaanyu okhala."

⁵⁶⁹ Nto, nsana, mai awe aahikumana ni miyo. Nto siiso owo ory'ene vaava, wa sothene sinsuwel'aka, ohiy'ula. Nto mwanamwane aari vate amuttikhaka mphira, mmiravo vano. Ootakhala, kankuru moottooporeni, nto eyo enooniherya paahi...

⁵⁷⁰ Oh, itthu ikonto sene, moone. Muluku khokhanle ovonyaka. Owo—Owo khonwerya ovonya tu.

⁵⁷¹ Munna John, niitho nanyu nri saana, munna? Owo aaphwanye ehasara, nto aakhomela epereku vano eyo khummana mmaithoni. Nto hiyo othene naanvekelela Munna John O'Bannon, munn'ihu a oLouisville yaamphwanye ehasara ni epereku yaamanne mmaithoni.

⁵⁷² Vano, sookoha iya ti so—soowiixerya sa murima wa mutthu; awo ansomaaya mwa Soolempwa n'uphwanya itthu iya, nto awo khani...khino khanwerya wiisiveliha, tivo awo aniruuhaaya va wira hiyo neehererye waakhula. Nto nyuwo munnoona mwa mukhalelo xeeni ennihelaaya-mo; okhala wira, ele munrowaanyu ohimya, awo anoolipana yeeyo. Tivo nyuwo muhana okupali wira muri oratta-ene, ni miyo kiri...vekeekhaixa ntoko sinwery'anyu okhala. Tivo nto, etthu ene okupali wira niri oratta-ene, nrowe paahi nivekele Erooho Yoowaarya vano wira enitaphulele yeela, nuuramihaka muru ahu.

⁵⁷³ Vano, Tithi a Wirimu, oh, mureerelo xeeni okhanly'aya ohimya wira "Tithi" wa Mpattuxa muulupale a erimu ni vathi. Ni hiyo ninoovekelani Nyuwo paahi wira mukuxe sookoha iya wa okhapelela Wanyu Yeenyu vano. Iyo siruuihiwe va ni exariya yoowiixeryaxa. Muluku, muhiye eyo ekhume mmurimani mwahu, vowiixeryaxa wa exariya, wira naakhule vootepa oreera ninsuwel'ahu; munivahe.

574 Ni omoriwa Wanyu ikharari okhale mwa khula mmosa. Ni wira etthu ehimmwe va ohiy'ula enrowa waakhaliherya atthu othene va. Nto nakhuma vale, numala waavekelela aretta ni waakhela ekomunyawu ni sikina, nihimye ntoko ale yaakhuma Emawusi, "Khinooona mirima sahu oniviha mwa hiyo okathi Owo aalavul'awe ni hiyo mphironi?" Maana hiyo ninvekela mwa Nsina na Yesu. Amen.

575 Vano, ntoko sinihimyak'aka imaara sinci-ene, wira iya—iya va ti—ti sootepa oreera wa muupuwelo aka wa seiyo, ni nto imaara sikina onnikhumelela onyakulihana vakhani. Yoopacerya va, kinnoona wira etthu emosa kaahimmy'aka khalayi, eruuhiwe-tho va. Miyo nki . . . kintthuna kisome vano, nyuwu mwatthuna vale.

65. Okathi Atamu ni Hawa yaarin'aya an'aya wEdeni, yaahikhala atthu akina elapo ya vathi okathi ula? Mwa Maphattuwelo kapiitulu 5 versiikulu 16, Kayini aakhala mmuttettheni w'oNodi ni khwaasuwela amwaar'awe.

576 Vano, eyo ti yo—yookoha yooreeraxa. Vano, hiyo ninnixuttihiwa mBibiliani . . . Ni imaara sinci-ene iya . . . imaara sikina ninkhala oohikasopa . . . Miyo kaanilepaka nipattuuxa naamukhaani na epaphelo, ni wira, "Mukohe. Kinimwaakhula khula yookoha ya Bibilia."

577 Nto mutthu mmosa khwira, "Ahe, t'ani aari mwaara a Kayini?"

578 Oh, miyo kaamuthweeliha yeeyo vakhani wala etthu, kaamwiira, "Oh, owo aari mwaana muthiyana a maathi awe," wala etthu ntoko yeeyo, moosuwela, wala—wala "Owo aari Muhano Kayini." Masi eyo khenaakhula yookoha. Yookhala . . .

579 Iwe Kayini aahikhalana mwaara, okhala wira Bibilia ohimye wira owo aahikhalana. Nto vakhala wira Kayini aahikhalana mwaar'awe, owo aahaana omphwanya nipuro nlo. Nto ela yaamurowa olikana saana n'ila va:

Yaahikhala atthu akina elapo ya vathi okathi Atamu ni Hawa yaarin'aya an'aya omatta wEdeni?

580 Vano, mwaweha vale, mBibiliani ti yoorika saana ohimmwa oyariwa wa muthiyana. Kweekwe onkhala mwaana mulopwana ti yoowo onihimmwa mBibiliani, kahi muthiyana. Ti voorika ohimmwa oyariwa wa mwaana muthiyana, mBibiliani. Wala, voohithepya, nkinsuwenle sinto kinoowerya omuupuwela mmosa okathi ula, mmuruni, vaavo otonko aya ohimmwa oyariwa wa mwaana; ehimye wira, "Awo yaahaayara aana alopwana n'athiyana."

581 Vano, Bibilia onaahimya paahi aana araru ooyariwa ni Atamu ni Hawa, nto owo aari Kayini, Apele, ni Sethi. Vano, vakhala wira araru awo othene yaari alopwana, vaakhanle wira khiyaakhanle athiyana yaayariwe, vano nto okathi

muthiyana mmosa paahi (Hawa) okhwiy'awe, nloko n'atthu naamuhiya okhala okathi ene yoowo, okhala wira khiyaarowa okhala hata enamuna w'awo o—okhalana hata. . . nloko n'atthu omwaramwareya, okhala wira khiyaarowa okhala athiyana yaarowa ohala. Hawa aamwiira okhanle-ene mmosa tu. Masi, moone, awo khanihimya o—oyariwa wa aana athiyana, mBibiliani, tivo awo yaahaana okhalana axiruusi siiso ntoko amiravo.

⁵⁸² Vano, namalepa a khalayi, mmosa w'alipa-oolepa a khalayixa nrinaahu, Josephus, onihimya wira awo yaahikhalanasa aana miloko mithanu na miili, ni Atamu ni Hawa; mmosa w'alipa-oolepa a khalayixa, "aana miloko mithanu na miili, nto awo yaari aana alopwana ni aana athiyana."

⁵⁸³ Vano, vakhala wira. . . Nto vo vakhala wira Kayini aahrowa elapo y'oNodi. . . Vano, mwaweha vale, mulipa-oolepa olempe saana, voosuwanyeya saana va. Nyuwo mooweha moota owo ohimmy'awe yeeyo?

wEdeni, okathi awo yaarin'aya an'aya wEdeni. . . Vano, kahi omatta wEdeni, mulipa-oolepa aanisuwela eyo. Onakhaleru pani olempe yoolepa va, ohimmye wira: **Okathi Atamu ni Hawa yaarinas'aya an'aya wEdeni. . .**

⁵⁸⁴ Kahi omatta wEdeni, okhala wira awo yaahoomolasiwa omatta wEdeni. Masi awo nlelo yaarisa wEdeni, nto ematta ya wEdeni yaakhala onikhuma nsuwa wEdeni. Masi Edeni yaari ntoko epooma wala—wala ele. . . wala elapo, vano nto Nodi yaari elapo ekina ahiiso epooma vakhiviru ni yeeyo.

⁵⁸⁵ Vano, mutthu ene paahi Kayini aakhanly'awe okhalanaka, wala omuthelaka, aahaana okhala murokor'awe ene. Owo aahaana. Okhala wira aari mulopwana mmosa paahi ni muthiyana awo yaakhanly'aya okhumaka-wo, moone, nto owo aahaana omuthela murokor'awe. Vano, eyo yaari yoothariha ikano mahiku ale.

⁵⁸⁶ Nto Isakhi aamuthenle mwaamurokor'awe oopacerya a ephome emosa, Rapeka, yoorummwa ni Muluku. Saara aari murokor'awe Abrahamu, murokor'awe a ephome; kahi n'amey'awe, n'atithi awe. Moone, murokor'awe a ephome a—Abrahamu aamuthenly'awe; mai oovirikana, masi tiithi mmosaru.

⁵⁸⁷ Tivo, moone, yaathelana amusi-ru okathi ule, ehinatthi—ephome ya nloko n'atthu otteetthehiwa, yaari volikana n'ikano ni oratta-ene. Vano kehiyo. Mwaamuthela murokor'inyu olelo, khukhalana anamwane, alakela awo yaamukhala. . . ahe, awo yaamukhala oorakala ni sothene. Hata mpakha orokora woopacerya ni wanenli khivaatthunaneya okhalakhala ethelanaka, moone, okhala wira ephome enootteetheya ni omalamala.

588 Masi etthu emosa paahi nto Kayini aakhanly'awe wiiraka, waari, omuthela murokor'awe. Nto ti vaavo aana yaary'aya wira. . . Owo aahimukuxa mwaar'awe, khurowa elapo y'oNodi khimusuwela, nto okhuma vaavo khurwa a—aana. Moone, e. . .

589 Nto nyuwo mwaweha vale, munlokoni mwa Kayini yaahikumela atthu oocencera. Munlokoni mwa Sethi yaahikumelenle atthu anatiini, kiireke, mwi—mwiri wa exariya. Vaavale vale, ale anli, yaahikumiherya maloko yaawo ninkhal'ahu—mo olelo.

590 Nyuwo mwaweha vale olelo vano (wira kimalihe paahi yookoha ela): nloko nle na Kayini nlelo nookhala, ni nloko na Sethi nlelo nookhala. Awo oowaili anikumela enamuna emosaru. Aana a Kayini ari weno oJeffersonville ohiy'ula, ni aana a Sethi ari weno oJeffersonville ohiy'ula. Nto ephome enootteettheya ni omalamala, masi nloko nlo nlelo nookhala.

591 Vano, nwehe. Aana a Kayini okathi wothene yaari. . . nto ohinatthi ohonona wa mutaseke, awo yaari atthu oocencera: anasiyensiya, oosomiha; ni anatiini saana, masi yaari nikhuru noohukhummwa. Munnona? Vano nwehe, awo yaari ntoko tiithi aya Kayini. Kayini, owo aari mutthu natiini. Owo aahimuteka altaari ooreera, khupaka ekereja yooreera, khuphavela okhaliha ntoko yooreeraxa ovikana misawu ule mwaamukhaani Sethi aarin'awe ohitto iwe. Mwaanisuwela yeeyo? Owo vekeekhai. . . Owo aahimphwaneliha altaari ni maluwa, khimukhaliha vooreera, khumpaka ooreera; khupaka ekereja, yuulupale, yowii pelana, okhala wira owo uupuwela wira aamuwerya ophwanya ocaliwa ni Muluku mwaha wo wira siiso.

592 Nto Apele aahirowa khimukuxa mwaapwittipwitthi mwaamukhaani, khupacerya ompurulela waltaari, khumpweha vanlukuni khumwiiva.

593 Nto vano, Muluku ary'ene a xariya, vakhala wira sothene Owo aatthun'awe waari okokhorela, Kayini aahimukokhorela Muluku ni exariya vanci—ene ntoko Apele siiraly'awe. Oowaili aya yaari a xariya. Oowaili aya yaaphavela ophwanya mahala ni Muluku. Khaavo mmosa w'awo aari ootakhala murima. Awo oowaili yaari, voomalela, alipa—oomwaamini Yehova. Vano, vo, eyo ennivaha etthu yo wuupuwela.

594 Amosa—amosa va ohiy'ula miyo nkinatoko owoona, atthu; Miyo nkinatoko owoonani khalayi. Masi muhaana osuwela ela, n'ukhaliha mmuupuweloni mwanyu. Munnona? Khencala moota xeeni munikh'al'anyu natiini, eyo kherina nnaata n'iyu. Nyuwo pooti okhala mukereja, nyuwo pooti okhala a exariya vanci—ene, nave nlelo khupweteya! Munnona?

595 Nto nyuwo muniira, "Ahe," nyuwo muniira, "mapastore ahu t'osuwelaxa, awo aavira museminariyu wira ephwanye osoma woomalela oreera. Awo mateyooloku, annimusuwela othene—teyoloxiyya othene ni sikina. Ni awo t'osuwela,

ooxuttihiwa, vanci-ene... ale oothanliwa oophwanelaxa hiyo ninaasuwel'ahu." Nto vaamuweryaneya awo nlelo opweteya! Munnona?

⁵⁹⁶ Vano Kayini, munlokoni mwawe: awo yaari, khula mmosa, natiini saana; atthu oosuweliwa saana; ni awo yaari anasiyensiya, ni matotori, ni anamateka, ni anamuteko, atthu oosuwela. Masi nloko nle nothene naahikhoottiwa, okhuma Kayini mpakha vathi.

⁵⁹⁷ Nto epante y'Apele: awo khayaarisa anamateka nnakhala anamasomiha wala atthu oosuwela; awo yaari, ntoko, oowiiyeviha, enamuna y'anamasukiha ipwittipwitthi, ni alimi, yeetta paahi ni Erooho.

⁵⁹⁸ Vano, Bibilia ohimye wira, "Khiivo ehukumu w'ale ari mwa Kristu Yesu, ale ahineetta ettharihaka erutthu masi ettharihaka Erooho." Mutthu a erooho orina munepa wa erooho ohinkhalakhala okhwaaka. Nto mutthu a mw'erutthuni orina mukhalelo wa etiini onimurukurerya (ni onttuna okokhorela ni sikina) masi ti mw'erutthu; kahi oohaamini, masi mutthu-oowaamini a mw'erutthuni; nto owo waari muxovo wookhoottiwa.

⁵⁹⁹ Vano, okhuma vaavo, Kayini aahirowa khimuthela mwaar'awe elapo y'oNodi. Vano, khenihimya t'ani Sethi aamuthenly'awe, wala t'ani akina yaathelanse-aya. Nto etthu ene yooreera saana ya yeeyo osuwela wira—wira, Kayini aahithela, hiyo nookhalana yo waakhula ya yeeyo. Okhala wira aahaana omuthela murokor'awe, wala owo...ahiiso yaamukhala e... .

⁶⁰⁰ Khiyaakhanle-tho athiyana mulaponi, masi yaahaana orwa ekhumaka wa Hawa paahi. Owo aari mai a othene arina ekumi. Eyo ti wii, atthu othene yaakhala, owo aari mai a yaawo. Mwaha wa yeeyo owo aary'awe... Nuulumo *Hawa* nnihimya "mai a othene arina ekumi." Vano owo aahirwa khimuyara mwaan'ola. Nto Kayini khimuthela murokor'awe, yaarowa okhala enamuna emosa paahi kaakhanly'aka woonaka yeeyo. Tivo yaahikhala atthu yaakhala mahiku ale, vekeekhai. Munnona? Ahe, ni... .

Okathi Atamu ni Hawa yaarinas'aya an'aya wEdeni...

Vano nwehe, eyo t'eri yookoha: **Okathi awo yaarinas'aya an'aya wEdeni, yaahikhala atthu akina elapo ya vathi okathi ula? Nnari! Vano mwa Maphattuwelo 5:16, moone, Kayini aakhala elapo y'oNodi nto khwaasuwela amwaar'awe. Vekeekhai. Munnona?**

⁶⁰¹ Eyo ti Maphattuwelo 1, vaavo Owo aamupattunx'awe mutthu ailattanihaka Yoowo Mwaneene, yoowo aari muteyofaniyani. Nto mwa Maphattuwelo 2, Owo aahimpaka mutthu okhuma vathayani v'elapo ya vathi, yoowo aari mutthu orin'ahu vano. Vano nto, mwa 3 waari omora, vano khoomoliwa omatta wEdeni; vano nto aana khwaayara aana. Nto Kayini

khimukuxa mwaar'awe khunakhala ni yoowo elapo y'oNodi, ota, okhala wira Muluku aahinvalaaniha owo opatthana ni munn'awe (mwaha w'okhwa wa—wa Apele). Nto owo t'ule owo aarin'awe, murokor'awe ene, khimuthela; t'inamuna emosa paahi kinwery'aka, yoomi, kinwery'aka woona moota—owo aatheny'awe.

⁶⁰² Vano, yoohimmwa... Ni kinroromela wira apatthani aka ooriipa ari mu anoolevelela moonelo ola, okhala wira kuhiyo wooloka nnakhala. Emaara yoopacerya otonko aka okumana ni mutthu kookhala—ru, nuumala orukunxa murima... Miyo kaari... kaakumanne ni Munna George DeArk n'akina iwe. Nto miyo kaamweetakasa, vano Apwiya khukeetiherya nipuro naamukhaani. Nto awo yaanvaanyihana ti vayi mutthu ooriipa aakhummy'awe—wo. Nto awo yeererya ohimya wira mutthu ooriipa... Wira Kayini aamuthenle mwaamunama ntoko khole, nto vaavo khikhumelela muxovo wooriipa. Vano eyo ti yoovonyeya! Mara—mara, eyo ti yoovonyeya! Ni muhikhaliherye eyo nnakhala. Okhala wira khaakhanle ooriipa wala ootteela, wala mukina oovirikana, waari muxovo mmosa paahi w'atthu mpakha mutaseke. Vano numala mutaseke ni namukattha a oBabeli, okathi waapaceny'aya omwaramwareya, owo p'ukathi awo yaakhalann'aya makhuli aya ni sikina. Awo othene ankhuma mwiri mmosaru. Eyo ekeekhaii voolikana. Atamu ni Hawa yaari tiithi ni maama, a elapo ya vathi, a yoopattuxiwa yothene ekumi y'atthu atonko okhala mulaponi. Ti yeeyo. Ooriipa, ootteela, oottweelela, ookhwila, a ncano, khula nikhuli mwaakhanly'anyu okhalaka, nlo vekeekhaiyi ti nipuro nyuwo munikhal'anyu—vo, ni enamuna eyo—eyo e... Siiso ntoko...

⁶⁰³ Kinoona wira khino kaamuwerya ohimya ela kiry'ene mwa yeeyo. Atthu nno vano moovalaani mu ni malamulo ni itthu munivir'aya—mo, kinoona wira ti soohifayi. Vekeekhai kinoon'aka. Nwiriyaane, mwaahiye atthu ale paahi mmansaya, awo annisuwela etthu antthun'aya. Muluku ompanke mutthu ooriipa, nto owo t'otteeliwa murima mwaha wa yeeyo. Voomalela! Muluku aakipanke—ru mutthu ooriipa, miyo kaamutteeliwa murima mwaha wa yeeyo; Owo aakipanke mutthu ookhwila, miyo kaamutteeliwa murima; vakhala wira Owo okipanke mutthu ootteela, kootteeliwa murima; Owo aakipanke—ru mutthu a ncano, kaamutteeliwa murima. Muluku onipanke mwa makhuli ahu, ni Owo onipanke enamuna Owo onitthunn'awe, ni hiyo othene n'ana Awe. Vekeekhaiyi! Nto awo khiyaarina onyakulihanaka ni waakhulana siiso. Ti yoovonyeya wira yeeyo. Khivaatthuneya awo wira. Muluku onipanke... enamuna nintthun'ahu.

⁶⁰⁴ Nto mutthu ooriipa, khontthuneya owo okhumela iwo ni ohonona yawawe—nloko nawe wala nikhuli nawe, ni wiitakanxa ni ootteela ni itthu sothene siiso. Miyo nkinimuhimyana mulattu. Nnari. Mutthu ooriipa ookhalana itthu mutthu ootteela

hata ohikhalann'awe. Voomalela! Eyo ekeekhahi voolikana. Ni Muluku khonathhuneke wira awo ekhale siiso.

605 Ahe, nkawehani. Mutthu ooriipa ti . . . owo—owo ti . . . owo ookhalana e—owo ookhalana mweettelo wa yoowo mutthu ootteela ohinatoko—awe okhalana. Owo ookhalana mweettelo wo okhurunuwa murima, “omuroromela Muluku, ni ohiya sikina orowa paahi”; akhalana vale wala aahikhalane, owo t'otteeliwa murima mwa khula enamuna. Kaatthuna kikhhalane yinci-ene ya yeeyo, ohiy'ula, vekeekhai kaanithhuna. Ahe, owo ookhalana, nto owo ti mureerelo awe; awo khandthuna otakanxana ni makhuli makina ni ohonona, nakhala. Eyo ekeekhahi voolikana.

606 Kinoona wira muhan'ole iwe oShreveport aahihimya nimoso wa ooreera—moolumo ootepa oreera kikonko aka wiiwa kookhalaru. Owo aahihimya nuulumo, vano khuheliwa vapapheloni va ihapari. Owo aaroorowa, khwira, “Moota itthu iya siniireyaaya mu, moovalaanani mu, nkinthhuna wira an'aka eroweke oxikola iwe exikola ele y'alipa ootteela.” Khwira, “Awo khandrowa waakhela ocaliwa yaarowaaya okhalana yaarina prusoore ooriipa.” Muthiyan'ole muthiyana oosuwela. Owo aanisuwela ethhu aahimya'awe, awo annisoma oratta-ene. Eyo ekeekhahi voolikana. Tivo miyo kinoona wira athu annivonya yairaka yeeyo.

607 Vano nto awo aniira, “Kayini ni Apele . . .” ni sikina ntoko siiso. Nnari, mulopwana! Nikhuli khinaarina naata n'iyoyi. Ti erooho muhina mwa yeeyo erina naata ni yeeyo. Eyo ekeekhahi voolikana.

608 Vano Kayini aahimusuwela mwaar'awe, ni owo aari murokor'awe. Nto awo . . . owo aamuroihale elapo y'oNodi, nto weiwo khukhumelela mahimo maalupale a mulaponi: anatiini ni alipa-ookokhorela.

609 Nto muupuwele paahi olelo, mpatthani, mweemele paahi nto muupuwele okathi vakhani paahi. Wira aakhala athu ikonto muloko vaara ikonto muloko ni ikonto ikonto sene, vekeekhai anrowa okereja, vaxariya-vo ni oowivahererya ekereja yeeyo vanweryaney'aya okhala, akhanle ottaiwene ni oopweteya ntoko Kayini saary'awe. Munnona? Ti Muluku onthanla! Ti Muluku onthoma! Munnona? Muluku onimoriwa ikharari! Oloko khonwerya omwiirela mulipa-oowuupa, ti mulipa-oowuupa onruma oloko. Ti yeeyo.

610 Vano va yookhala emosa yooreera, enttharelana va:

Mwa Petru Aneili 2:4—2:4 . . .

611 Ookhala mutthu orina Bibilia, onthhuna okhunla soolempwa iya voowaakuva okathi onsom'aka seiyo, mwatthuna vale. Nto ennikikhaliherya, okathi onkelel'ahu yookoha ela.

612 Vano, mwa Kayini ula ni—ni siiso, eyo yaahophiyeryeni vano, munihiye nisuwele. Ninoothapela . . .

613 Vano Petru Aneili 2:4. Vaareera, mulopwana, hiyo nri va:

66. Petru Aneili 2:4, “Tthiri vakhala wira Muluku ookhalana . . . Tthiri vakhala wira Muluku khaalevenle malaikha yaatthenke, masi aahirihela omooroni,” vano xeeni Kristu aarowenly’awe olaleerya irooho saatthukweliwe mukhatteya, mwa Petru Aneili 3:19?

614 Vano, nimusome Petru 2:4, toko. Vaareera:

Tthiri vakhala wira Muluku khaalevenle malaikha yaatthenke, masi aahirihela omo—omooroni, ni—ni etthukweliwa mweepiphini, enasukeriwa ophukiwa;

615 Vano, vano nrowe noone mwa Petru Oopacerya (owo ti Petru Aneili), Petru Oopacerya 3:19, nwiriyane ela. Ola ori va, vaava va. Iya sinoomalaru orwa, mwaha wa yeeyo kihirinaaka soolempwa sene.

. . .yoowo tho . . .aahirowa olaleerya irooho saatthukweliwe mukhatteya;

616 Oh, ayo, ela va. Nrowe nipacerye vakhani ehinatthi yeeyo, eversikulu 18:

Okhala wira nave-tho Kristu . . .aahihaawa omosa paahi mwaha wa itampi, naxariya mwaha w’ale ootakhala, wira aniruuhe wa Muluku, khukhwa mw’erutthuni, masi akhalihwa mukumi ni Erooho:

Okathi uwo Owo aahirowa-tho olaleerya irooho saatthukweliwe mukhatteya;

Seiyo khalayi saari sohiivelela, . . .

617 Mpatthani aka oophentiwa, nyuwo mwasomaru paahi eversikulu enttharelana, nto vaavo Eyo yoolakiherya. Munnona?

Seiyo khalayi saari sohiivelela, okathi ovilela wa Muluku waawehereryaaya mahiku a Nowe, okathi ekalawa yaatekiwaaya, memmo vakhani, eyo ti wii, minepa mithanu na miraru soopoliwaaya mmaasini. (Munnona?)

618 Vano, mwaweha va, kinoona wira mulaleyi ula ohaana ekina mwa . . . etthu emosa mwa eliinya emosaru, enimwaakhuliwa okathi vakhani ohoolo.

619 Petru Oopacerya 4 . . . ahiiso 2:4, mwaweha vale, “tthiri vakhala wira Muluku khaalevenle malaikha,” nuulumo nlo *nlaikha* nilempwe sayi? “n” yaamukhaani. Munnona? Vano, va, “irooho saatthukweliwe mukhatteya sahaarukunxale murima mahiku oowehererya n’uvilela a Nowe,” malaikha mamosaru. Yaari atthu: anamitthaka, alaleyi; “khaalevenle malaikha.” Mwaanisuwela wira e . . . nuulumo *nlaikha* ninkhuma mwa nuulumo “namitthaka”? Akavi anuwela wira *nlaikha* ti

“namitthaka”? Vekeekhayi, nlaikha ti namitthaka, “ni Owo khaalevenle malaikha.” Munnona?

⁶²⁰ Nto va mwa aHeperi, munnuupuwela wira naahisoma yeeyo isumana vakhani sivinre, “malaikha”?

⁶²¹ Ni mwa aHe- . . . mwa Wiisuupulula, “Nlaikha na ekereja y’oSarti mulepele itthu iya. Nlaikha na ekereja ya wEfeso mulepele itthu iya. Nlaikha na ekereja. . .” Munnuupuwela yeeyo? Ni naahrowela nuulumo *nlaikha*, nto mootaphuleliwani wa moolumo, nto nimphwanya wira nlo nnihimya “namitthaka.” Vaamuweryaneya okhala “namitthaka mulaponi, namitthaka a erimu,” nuulumo *nlaikha*.

⁶²² Tivo mwa mukhalelo ola, naakuxa eleeksiko n’uphavelamo, munoochwanya wira enipacerya ni “anamitthaka, anamitthaka oopacerya.” Moone, “Vakhala . . . Vakhala wira Owo khaalevenle . . . Tthiri vakhala wira Muluku khaalevenle malaikha yaatthenke,” (Munnona?) “nto ookhala a erimu,” (Munnona?) “nuumala owehererya . . .”

Vano nwehe, owo ohimnye wira:

*. . . vakhala wira . . . khaalevenle malaikha
yaatthenke, masi aahirihela omooroni, ni
khutthukweliwa mweepiphini, wira esukeriwe
ophukiwa;*

⁶²³ Vano nkanweheni i-tho Petru Oopacerya va, 3:19, nwehe moota ela ensommwaaya vano:

*Okhala wira nave-tho owo aahrowa olaleerya irooho
saatthukweliwe mukhatteya;*

*Seiyo khalayi saari soohiwelela, okathi ovilela wa
Muluku waawehereryaaya mahiku a Nowe, . . . (moone,
yaari anamitthaka a nihiku nle, anamitthaka) . . . okathi
ekalawa yaatekiwaaya, memmo . . . eyo ti wii, minepa
mithanu na miraru soopoliwaaya mmaasini.*

⁶²⁴ Vano nyuwo mwaweha vale okathi sookhala iyo saary’aya Wirimu. Vano, mwa Wisuupulula 11 . . . ahiiso ekapiitulu 7, kookupali . . . wala nnari, nnari, eyo ekapiitulu 12. Owo onnivaha elatarato ya muthiyana eemenleene; mweeri vamuru vawe ni nsuwa . . . wala, nsuwa vamuru vawe ni mweeri vathi va inawu sawe. Nto ehanasi yooxeerya yeemenle wira emmirye Mwaana Owo amalakaru oyariwa, nto yaahikuxa mwiila aya khupurula epantte ya neeraru ya ittheneeri sa Wirimu khurihela vathi. Mwaahiweha yeeyo? Vano, eyo khenihimya wira Satana orina mwi—mwiila woorakama owo aakweecan’awe atthu, masi “wootha owo *aahimalyaawe*,” ni khipurula epantte ya neeraru ya ittheneeri iye. Ittheneeri iye saari osuulu w’Abrahamu.

⁶²⁵ Abrahamu iirale, “Oh . . .”

⁶²⁶ Muluku aahimuhimeerya Abrahamu wira, “Nkawehani wirimu, mwaalikele ittheneeri mwawerya vale.”

627 Owo khwira, “Nkinwerya wira.”

628 Owo khwira, “Nnakhala khamunrowa owerya waalikela osuulu anyu,” ittheneeri.

629 T’ani okhanle Ettheneeri Yoowaarya ni y’Oxaka? Yesu a oNasareti, oowaaryaxa otonko okhala mw’erutthuni ya mutthu. Owo ti Ettheneeri Yoowaarya ni y’Oxaka. Ni Owo ti Osuulu w’Abrahamu, onrwa ovira mwa Isakhi. Nto hiyo, nikhwaaka mwa Kristu, nookhalihwa Osuulu w’Abrahamu ni n’alipa-oorithi voomutthariha natiri.

630 Vano ittheneeri sa wirimu saatthonyerya irooho s’atthu nno. Nto okathi ehanasi yooxeerya (Rooma, mwa olupattha wawe) aapurunly’awe ipante sa neeraru piili sa e...ahiiso epante ya neeraru ya ittheneeri, khumoroxela vathi, iwo waari okhomeliwa vamwiikimanyo wa Pwiy’ahu Yesu okathi awo yaamukhoottaly’aya Owo ni Owo aari...ni khumoomola Owo ni khuhikhala nnaata ni Yoowo; vale yaari epant’iyo ya neeraru ya ittheneeri sa malaikha, sookhala sa malaikha.

631 Moone, mw’erutthuni mwanyu, muhina mwa nyuwo... (nookhalana yookoha ekina ya yeeyo, oratta-ene, wira yaakhule saana). Tivo okathi...Muhina mwa nyuwo yookhala erooho, mutthu mukina. Ota wanyu ti mutthu mmosa, muhina mwanyu ti mutthu mukina. Vano muhina mwa nyuwo ti a erimu, ota wa nyuwo ti a erutthu. Munnona? Nto yookhala ela, nyuwo mweettihiwaka ni Erooho, ni Muluku, munikhala namitthaka a Muluku, wala nlaikha. *Namitthaka* a Muluku, *nlaikha* na Muluku nuulumo nimosaru; khamukhanle ovalaanihaka: namitthaka a Muluku, wala, nlaikha na Muluku.

632 Nto t’uvi orina olamula wuulupale? Nlaikha ninkhuma Wirimu wala nlaikha vapulpitu? T’ani orina? Nlaikha vapulpitu! Paulo ohimnye wira, “Nakhala Nlaikha ninkhuma Wirimu ninrwa woolaleeryani ehapari yooeera ekina ohiya ela miyo kilalenry’aka, atakhaliwe.” Vano nlaikha noottikittheliwa ni Erooho Yoowaarya nto ni Masu ninkhala vakhiviru ni Muluku. Ti yeeyo. Wirimu, owerya wawe... .

633 “Koovahiwa owerya wothene Wirimu ni vathi mmatatani mwAka. Rowani, ni Miyo kinoorowa ni nyuwo. Sothene sinrow’anyu otthukwa vathi va, Miyo kinootthukwa Wirimu. Ele entaphul’anyu vathi va, Miyo kinootaphula Wirimu.”

634 Oh, vaakhanle wira Ekereja yuulupale yoowaarya yaamusuwela paahi owerya waya wo wira itthu iya. Masi oookhala ohoverya wunci-ene ni woova n’uthukumela, yiikohaka sinto enimwiira, “Yaamuweryaneya okhumelela?” Vakhalaru wira eyo enookhala, Ekereja khenkhalakhala eweryaka weemela. Nto okathi olavula wothene wo woova ommalamal’aya ni Erooho Yoowaarya khukhala yeettihieryaka voomalela Ekereja, nto woova wothene khumalamala, nto Ekereja eyo enookhalana owerya. Munnona? T’thiri, awo

aakhalana itthu sothene Erimu erinaaya ottuli waya. Awo t'anamihupi a Veehiceni. Vekeekhayi! Namuhupi a Kristu ookhalana elamulelo, ni sothene Kristu orinaawe ti sa namuhupi yoowo. Ni Owo ohimnye wira, "Murowe mulaponi mothene, nyuwo mwa anamoona Aka nuumala Erooho Yoowaarya wookhuruwelani." Nto namoona exeeni? Ti namuhupi; t'ule onrwa ni okhalela onamoona etthu. Owerya wothene Wirimu ni vathi ori mmatatani mwanyu! Oh, ninkhalelani oohittikinyeya? Ni ekereja ti yoowuupaala, ni hiyo ninkhala oorupa. Okhala wira hiyo khaninsuwela itthu iya.

⁶³⁵ Vano, minepa saatthukweliwe (sahaarukunxale murima), khayaari ookhala a Malaikha yaa—yaariheliwe vathi ni mukhalelo wa Malaikha, masi saari irooho sa sookhala iye sa malaikha saamonre ohinatthi opattuxiwa olumwenku, ottuli wu okathi ekhotto yiiranyaya Wirimu. Nto Satana ni—nto ehanasi yaawanne aya, vano nto. . . wala Mikayeli ni—ni ehanasi yaawanny'aya (nto Lusifere). Nto Lusifere aahoomoliwa ni an'awe othene (malaikha othene owo ootonthe-awe), nto malaikha awo khurwa elapo ya vathi nto khulamuleliwa okhala atthu. Nto vakhanly'aya, owo p'ukathi "aana axilopwana a Muluku yaawoonaly'aya aana axithiyana aatthu wira yaari ooreera, khwaakuxa wira ekhale axaar'aya."

⁶³⁶ Awo aana a Muluku. Khula mutthu oniyariwa elapo ela ya vathi mwaana a Muluku. Voohicala sinto owo natampii wala etthu ery'awe, owo mwaana a Muluku. Opattuxiwe oolattanihiwa ni Muluku wa mittotopelo sa Muluku, owo opattuxiwe siiso. Masi Muluku wopaceryani aahisuwela t'ani aarowa omwaakhela Owo ni t'ani ahaarowa omwaakhela Owo. Tivo Owo aaweryaawe othoma, ahiiso, kahi othoma, masi mwaha w'osuwela khalayi ene Owo aaniwerya ohimya t'ani aarowa woopowa ni t'ani ahaarowa woopowa, maana Owo aanimusuwela mutthu xeeni aarowa okuxa erooho xeeni.

⁶³⁷ Nto irooho iye sinkhuma Veehiceni va Muluku, ni sinkhala ohoolo wa Ehice ya Muluku, ni saakhanle. . . ni ivirelo s'okathi ipilyawu ni ipilyawu sa okathi olumwenku ohinatthi opacerya, Ohoolo wa Muluku, munuupuwela wira iyo khasinsuwela etthu ya okokhorela? Nto saahikhuruwela vathi khuvolowa mwa mutthu, ni sinnimukokhorela Muluku! Vekeekhayi, awo annimukokhorela Muluku; ni annisuwela sa Muluku, ni awo t'osuwela, ni eelavilavi, ni oosoma, kweekwe. Masi Muluku ohaakhootta okhuma wopaceryani!

⁶³⁸ Tivo, mpatthani, omempuru wa mukereja, wala—wala omusuwela teyoloxiyya wala etthu khata, kherina naata n'Iyo. Ehaana okhala Ephome ya Yesu Kristu ni oyariwa vasya onoophitaanyani ni Yoowo ntoko mutthu mmosa. Nyuwo muri vo.

⁶³⁹ Muluku, wopaceryani okathi Owo aasuwenly'awe wira. . .

Alopwana n'athiyana yaapakiwe mmosa, kahi aili, awo yaapakiwe mmosa. Awo yaahivalaanyiwa, mmosa khuheliwa mw'erutthuni ni mmosa muteyofaniiyani. Owo aahisuwela eyo. Tivo wira ewooniheryeni yeeyo nyuwo: okathi Muluku ompankaawe muthiyana, Owo khaakuxale etthaya khumpaka owo ntoko Owo saamwiirihaly'awe mulopwana; Owo aakunxe niparari mpararini mwa Atamu, nto owo khukhala yoopattuxiwa ekumihiwe mw'ekina ya mulopwana (okhala wira owo epantte awe). Munniiwa saana Yeeyo vano? Munnona? Eyo eri vo.

⁶⁴⁰ Vo ari malaikha. Ni Muluku ni erooho emphitaana ni Muluku enkhala Erooho emosa. Ti yeeyo. Vano, Erooho ya Muluku enkhala Mukereja, ti Erooho enikhuma Wirimu, wira Muluku aahisuwela ohinatthi opattuxiwa olumwenku, wira aahikhootta wootha wa xetwani. Nto erooho eyo yaahaana okuxa erutthu y'ethayi wira ekhale...wira yeehereriwe. Owo aahaana wiikhaliha erutthu ntoko ala akina yiirans'aya, nto othene aya khuheleliwa muritti mmosaru. Nto Muluku, wopaceryani, aahisuwela irooho saarowa okupali, ni iye saharowa. Eyo eri vo. Xetwani uwo t'osuwelaxa owo aarow'awe owoototha ale oothanliwa, vaakhanle wira vaaniweryaneya.

⁶⁴¹ Vano irooho iya, malaikha ala yaalaleerya, yaari mukhatteya; *malaikha*, nyuwo mwaweha vale va, ti "m" yaamukhaani yeeyo enihimya "mutthu"; malaikha, anamitthaka va elapo ya vathi. Awo yaahittheka, nto enamuna emosa paahi yaakhanly'aya otthekaka waari ohaamini! Nto enamuna... Awo yaahikhalana itiini saya, nave awo khayaaminni mutthaka wa Nowe. Awo khayaaminni mutthaka wa Enokhi. Nto awo yaahikhootta Mutthaka aya, "nto yaahihukhummwa," Bibilia ohimye wira yaahihukhummwa.

⁶⁴² Enokhi aahaalaleerya, khwira, "Apwiya animoorwa ni ikonto muloko a oowaarya Aya."

⁶⁴³ Nto awo yaahilaleeryasa s'eprofeta. Ni Nowe aahiteka ekalawa, nto awo khwira, "Owo santu oophirikeya! Owo namathipelela! Khiivo etthu ene eyo ntoko epula enrwa." Vano miyaakha emiya emosa ni miloko miili saahivira, ni owo aahikhalana etiini yaarina woopowa memmo, yaahikhala ephiro y'ovuluwa yaapakiwe, masi awo yaahisiveliwa ni mukhalelo aya.

⁶⁴⁴ Ti siiso ery'aya olelo, wira atthu ansiveliwa ni mukhalelo aya. Masi yookhala ephiro y'ovuluwa, ni ephiro eyo ti mwa Yesu Kristu. Amen. Eyo eri vo: nihimo nimosaru, irooho imosaru.

⁶⁴⁵ Ni awo yaari atthu anatiini voomalela, anatiini saana, masi yaahimuhaleela natiri a waataana.

⁶⁴⁶ Ti siiso olelo. Mutthu onoorowa okereja, ni wiitakaniha ikereja suulupale, ni ophavela okhala mutthu oosuwelaxiwa mmuttettheni. Awo yatthuna wiitakaniha mukereja, awo anrowela ele yuulupalex a mpooma, ele yootepa oreera ni

yoowuupuwelaxiwa mpooma. Moota ary'aya ottaiwene wo wiihaniwa! Moota anivonyaaya Eyo!

647 Enamuna emosa paahi munrowaanyu okhalakhala mmusuwelaka Yesu Kristu onkhala ni muupululo wa muroohoni, kahi ni teyoloxiia ni moota munimusom'anyu Bibilia. Hata mukhalaka Siyensiya a oKristu, Mmetotista, Namoono a Yehova, wala etthu p'itthu mukhanly'anyu; hata wira nyuwo mw'ani, khamunrowa okhalakhala musuwelaka Eyo ni Masu, ti Erooho ya Muluku eniwuupululelani Yoowo. Owo muupululo wa muroohoni!

648 Okathi Atamu, omatta wEdeni, ni Hawa, okathi aana awo yoomolasiwaaya, va aarwiye ti Kayini ni teyoloxiia ooreera. Owo khwira, "Muluku aahaana osuwela wira niniira ela vooreera—vooreera waka murima. Kinoomuteka altaari ooreera, kinoohela-vo maluwa, kinoohela-vo mihokorokho, kinoomukhalaha ooreera. Tthiri kinoowerya omukurunuxa Muluku ni yeela ni omusuweliha Owo wira k'a a exariya mmurimani mwaka." Owo aari saana wa ele Masu yaavekel'aya; Muluku aatthuna okokhorela, owo aahirowa okokhorela. Owo aahitthokiha nipuro nooreera okokhorela-vo, empa yuulupale yooreera (ntoko siniihan'aya olelo). Ni owo aahipaka saana, owo aahiteka saana ni khimuhela altaari memmo; owo khaari ootakhala murima.

649 Masi Apele, vasulu va Masu a Muluku. . . Khaakhanle hata Bibilia aalempwe okathi ule, masi Muluku *aahimuupululela* wira khiwaari muhokorokho onikuminhe omatta wEdeni, khiyaari masa Atamu ni Hawa yaakhuurans'aya, saari itthu s'ekhapa mara saavalaaninhe ni saakawanyehale. Ni osuwelaka wira awo yaahikhala ookhwa, ni mwaha wa ephome ya Atamu, ni ephome y'enowa yaapacenyee yeela, Apele, ni muupululo wa Muluku, aahirowa khimukuxa mwaapwittipwitthi khunvaha. Nto Muluku khwira, "Ti Yeeyo!" Tthiri.

650 Okathi awo akhumans'aya oMwaako wa Orukunuwa, Yesu khwira, "Atthu aniira wira Miyo Mwaana a mutthu ki pani?"

651 "Akina aniira wira Nyuwo mwa 'Moise,' nto akina aniira Nyuwo mwa 'Eliya,' nto akina aniira wira Nyuwo mwa 'Yeremiya,' ni akina aniira wira Nyuwo mwa 'Profeta yoole.'"

652 Owo khwira, "Masi Nyuwo muniira wira Miyo ki pani?"

653 Petru khwira, "Nyuwo mwa Kristu, Mwaana a Muluku Mukumi."

654 Owo khwira, "Ooreeriwa ti nyuwo, Simoni Par-yona, maana erutthu n'iphome khewuupululenleni ila." (Nwehe!) "Kahi tho mwa ewarakha, kahi tho mwaha w'exikola; nyuwo khamunatoko wiixutta osemiariyu, nnakhala mutthu khoohimenryeni. Erutthu n'iphome khewuupululenleni ila, masi Atithi Aka ari Wirimu t'awuupululenleni. Nto vamwala va Miyo kinooteka-vo Ekereja Aka, ni mikhora sa mookhwaani khasinwerya oxintta

Yeeyo.” Eyo eri vo. Eyo t’eri Ekereja ya Muluku mukumi. Ti yeeyo. Vasulu va ekerej’ele. . . Vasulu va *muupululo* yoowo, Ekereja ela t’etekiwaaya. Owo muupululo wa oMuluku yoowo Muluku uupulunly’awe, wira Yesu Kristu ti Mwaana a Muluku, vano nyuwo moomukupali Owo okhala Moopoli anyu, moovira mookhwaani khuphwanya Ekumi.

⁶⁵⁵ Nto Erooho Yoowaarya ennea ni ovara muteko mwa mamempuru a Erutthu yeela. Eyo t’eri Ekereja! Hata wira ti yoohaawa, ni mmisawuni, ni wira muneemela mukitthe mwa mwiri wa pinyeero nipuro nlo, wala vatthu ti vatthu, wakhala mpaani mwa mutthu mwa muthukumano w’omeekha hata wira ti yayi. Oreera ni itthu khasinimukuxa murima Muluku. Ti exariya ya murima ni muupululo wira Yesu Kristu ohoonihiriwa ntoko Mwaana a Muluku, Moopoli ahu. Amen!

⁶⁵⁶ Wulu, hiyo . . . kxaninrowa omaliha iya, naarowaka-ru siiso, ninoomaliha?

⁶⁵⁷ Aakhala ale a . . . weiwo Owo aaronw’awe; malaikha: anamitthaka, alaleyi ale, alipa-ootthokelela ale, anamitthaka ale yahaamini okathi Nowe aaronw’awe khwaalaleerya ni waahimeerya, “Vano, mukele mukalawani mu.”

⁶⁵⁸ Awo khwira, “Nkamwiiweni santu-oophirikeya ola. Nkamwiiweni namathipelela ole. Vano, khekhanle hata epula. T’ani otonko wiiwa etthu ene eyo? Vano, wulu, hiyo kxanirina ikereja? Hiyo kxanihiyo anatiini?” Vano, awo yaari anatiini!

⁶⁵⁹ Yesu ohimnye wira naarowa okhala nloko nivinre okathi ule, naarowa okhala nloko naarowa otthikela-tho okathi vakhani Owo ohinatthi Orwa, “Ntoko saary’aya mahiku a Nowe, siiso-tho enookhala orwa wa Mwaana a mutthu. Okhala wira awo yaanilya, yaaniwurya, othelana, othelihana.” Awo yaahikhalana Reno, Nevada okathi ule, nipuro nlo. Awo yaahikhalana inamuna sothene sa ithiru awo arinaaya olelo; ethukumanaka, ni ethweelaka, ni enyemulaka, anamaveeha ni siiso; yooneyaka ntoko atthu oothunku, masi ekhootaka Ekeekhai ene: waataana, Mutthaka wa mahala. Muluku apakaka ephiro Awe, ni aavahaka atthu Yawawe—waataana Wawe, moota awo yaarow’aya owerya ovuluwa; Yaahikhalana woopowa mwa yeeyo, woopowa naari nipuro n’ovuluwa.

⁶⁶⁰ “Ninrowa otthunela-ni woopowa?” Olelo atthu aniira, “Hiyo kxaninkhala vathi va enamuna emosa ya kuveerunu a otaphuwa w’atthu? Exeeni entthun’ahu?”

⁶⁶¹ Miyo nkincala enamuna kavi ya kuveerunu a otaphuwa w’atthu hiyo onkhal’ahu, hiyo nintthuna Ephome ya Yesu Kristu. Khweeli! Hiyo nimmuthuna Kristu. Miyo kinnimuttittimiha kuveerunu a enamuna y’otaphuwa w’atthu; eyo kherina naata, ni woopowa wa munepa. Nnakhala! Makuveerunu awo anoovira, ni khula elapo enoovira. Ni miyo kootoko weemela vakhiviru. . . nipuro mafarawo yeemel’aya-vo, nto muhaana othipa meeturu

thanu na mosa vathi wira mphwanye ihice saya vaavo awo yaakilaathik'aya-vo. Mafarawo othene ni omwene saya sa mulaponi mu, ni itthu saya sothene soophilpa anoovonya ni anoopweteya, masi Yehova onooruma mahiku othene, maana Owo ti Muluku ohinikhwa. Voolipa vaMwala Kristu Yesu hiyo ninnikhala, maana itthaya sothene sikina mithaaka sinkomowa.

662 Voohicala sinto . . . omwene sinoovenya ni sinoovonya, masi oh, khiivo hat'etthu . . . Miyo nkincala sinto ti . . . hat'etthu; khiivo hat'etthu ya vano, hat'etthu y'ohoolo, hat'etthu (itala wala sowoopiha wala etthu p'itthu) enwerya onimwalaniha n'uphenta iwe wa Muluku ori mwa Kristu. Mutthu ayariwaru ni Erooho ya Muluku, owo khahiyo-tho yoopattuxiwa y'okathi, masi owo ti yoopattuxiwa ya Ohimala. Amen. Owo oovira mookhwaani khuphwanya Ekumi. Owo oovira okhuma mo . . . Owo oovira mwa etthu ya okathi, akelaka mwa Ohimala. Owo khankhalakhala-tho apweteyaka! Ni Muluku oolapha wira Owo aammuhimuxa mahiku ookiserya.

663 Tivo awo pooti okhalana ikereja sanyu sothene suulupale, ni okathi anyu wothene muulupale, ni sothene muntthunaanyu, ni ohimya iperwa sanyu soonanara ni okhalana a musewe anyu othene a cuuku, ni olyiwa w'asooa ni itthu sothene sikina muntthunaanyu okhalana; ni okhalana mulaleyi osoma eemenle-ene vo. Khino owo onoowerya ovara muteko wooreera waavikana amosa-amosa w'aximiravo ala ahinaasuwela saana ABC aya. Masi miyo kinooleelani ekeekhai, kaamwamputi okhalana mmiravo ohinaasuwela ABC awe akilaleeryaka (onimusuwela Kristu) ohikhanle mateyooloku othene aalupale akhanle ni osoma wanyu wothene waakhanle wupuweliwaka. Vekeekhai!

664 Ohitto nno oKentucky, woohikhala khalayi, mwammiravo mmosa ahaawerya hata osoma nsina nawe, aahimnye wira Apwiya yaahimwiihana wira alaleye ni owo aatthuna exikola. Vano, akhulupale khiyaamutthuniherya okhalana. Mulaleyi mmosa muulupale khurwa vale ni ekweeco mwa nsina nawe *siiso*, toteri mmosa muulupale a divindade, vano, awo khumooliha exikola. Vekeekhai. Aahikhalana muhakalaliho wa isumana piili, nnakhala munepa mmosa. Nto athithi awe khurowa-tho, khwira, "Vano mooliheni, miyo ka namaliva mpoosito, kookhalana ehaakhi ya mwan'aka woolihiwa. Nto mwan'aka aahaana okhalana nave."

665 Vano awo yaahirowa wira yasuwele, ni khwaakoha, awo khwira, "Ahe, hiyo nnoomooliha ohiyu miili mano." Vano awo khwiiwanana khimuiya okhalana ohiyu miili.

666 Nto ohiy'ule mwammirav'ole khweemela vale ni khaawerya hata omusoma Bibilia, aahikhalana mutthu wira asome yoosoma awe. Masi okathi oronw'awe vaplataforma, owo aahireerihwa ni Erooho Yoowaarya. Nto okathi olaleiye-awe, atthu oophiyaka

miloko miili yaahirwa waltaari; nto mulaleyi ule oowiikuxererya aahinla ephiro yothene mpakha oKalvario, waltaari.

⁶⁶⁷ Vekeekhai, munna, kahi—kahi ele ensuwel’anyu, ti Ole nyuwo ommusuwel’anyu. Owo ti muupuwelo, eyo t’ile entthuneya, entthuneya omusuwela Kristu. Omusuwela Yoowo, t’ekhanle Ekumi; omukhootta Yoowo, onkhala okhwa.

⁶⁶⁸ Nirowele sookoha sahu sikina naanaanoru, sookoha vano sinrowa oGeorgia:

67. Exeeni maluku mu...anooniherya exeeni mwa Wiisuupulula 21:19 ni 20?

⁶⁶⁹ Mwatthuna vale okuxa okathi wo waakhunla aBibilia anyu, vaavo nihirinaahu okathi munci-ene vano, masi kinimwiilipiha waakhula kaakuvaka. Wiisuupulula miloko miili-. . . kookupali wira ti 21:19 ni 20. Ayo.

⁶⁷⁰ Vaareera, memmo munoophwanya wira owo aalavula mwaha wa maluku yaari mpaani. Vano maluku saari milipiheryo. Nyuwo mwaweha. . . Miyo kookupali wira mookhalana eyo vo, Munna Neville. Ni khula nluku naari mulipiheryo. Kahi nluku nimosa mulipiheryo, nto makina. . . Masi khula nluku naari mulipiheryo. Khula nluku naari mulipiheryo voohihyererya. Nto yaari maluku muloko ni maili. Nto nyuwo mwaweha vale maluku awo muloko ni maili, nvahe khula. . . Voopacerya nimpacerya ni yaspe, ni sartooniya, ni makina siiso, ethoonyeryaka khula nluku.

⁶⁷¹ mBibiliani mmo munimoona wira yaahiihaniwa maluku kamosa-kamosa. Makina aya ovirikana vakhani, nyuwo khamunatoko wiiwa. Mwaweha vale mutisiyonaariyuni munimoona wira nluku nimosaru, ni nsina noovirikana paahi; nirukunxiwe.

⁶⁷² Masi empacerya ni—ni yaspe. Yaspe naari nluku na—na Peniyamini, ahiiso, nluku na. . . oh, mwaana oopacerya, Rupeni. Nluku noopacerya aari Rupeni, nenlo naari yaspe. Nluku nookiserya aari Peniyamini, nluku nookiserya vasulu.

⁶⁷³ Vano, maluku ala muloko ni maili milipiheryo saaheliwaaya-vo, awo—maluku awo muloko ni maili yaathomeiwa vakuwoni ya vatthirima y’Aroni. Nto awo—awo yaathoonyerya, owo aari namukuttho muulupale a ala—a mahimo ala. Khula nimosa wa maluku a oyariwa waya yaari va, va yeela—ekuwo yeela. Nto okathi athu yoonaya ekuwo yeela, awo yaanisuwela wira Aroni aari namukuttho muulupale a nihimo nothene, okathi yoonaya nluku na oyariwa vakuwoni va.

⁶⁷⁴ Vano, nakela voosiis’ula mmutthakani wa Munna Neville. Ni imaara kavi awo yaamuruuh’aya Urimi Tumimi. Nyuwo munnoonna ohimmwa mBibiliani wira yaari enamuna awo yaasuwel’aya vakhala wira mutthaka aya waari Ekeekhai wala nnari. Maluku ale, okathi yaarow’aya othariha ethu mutthu

ohimmy'awe, profeta aalalenryaawe, nto maluku ale othene yaamwaarya vamosa. Yaakhaliha othukumanyeya wa waarya waakhala safira, ni yaspe, ni karpunkulu, ni maluku ale othene makina yooniherya waarya waya, yaapaka nthepa nimosa nuulupale nooreera na ekhweyi naatakanxa etthu yothene vamosa.

⁶⁷⁵ Vano, vano, olelo, okathi Urimi Tumimi ule okumihiwaaya ni onamukuttho ole, vano Bibilia ola ti Urimi Tumimi a Muluku olelo. Nto mulaleyi aalaleyaka, nihikhaleke nipuro nimosa paahi naamukhaani va, nto vaavo tu owo khunahela-vo miroromelo sawe; ohaana okhala Bibilia othene onooniherya mutthaka mutthu onlaleyaawe. Eyo t'itthu ene. Kahi nipuro nimosa paahi, ni wira, "Ahe, Bibilia onihimya ela." Oh, vekeekhai, owo onihimya itthu sinci-ene. Masi muhaana okhaliha sothene vamosa. Nto okathi Erooho ya Muluku enrwa'aya n'ukela muhina mwa ma—Masu, Eyo enoohela sothene vamosa ni wooniherya Waarya omosa wuulupale, nto Waarya iwo ti Yesu Kristu. Amen.

⁶⁷⁶ Vano, maluku ala muloko ni maili saari milipiheryo muloko ni miili saapacerya ni Rupeni, nto Kati, ni erowaka mpakha wa Peniyamini; mahimo muloko ni maili, maluku muloko ni maili. Nto maluku ale Mpaani moolompa, oYerusalemu wa naanaano wa Wirimu, khula mulipiheryo onrowa oheliwa vasulu wa khula mmosa w'axitiithi.

⁶⁷⁷ Vano nwehe, nyuwo nwehe maluku, vano munoorowa owoona axitiithi awo yooneelaka mw'etthu ekina, mwa yookoha ekina.

68. Mulakiherye—mulakiherye ya neexexe . . . axinama axexe a Wiisuupulula 5.

⁶⁷⁸ Munna Neville, vakhala wira mookhalana eyo vo vakhiviru, wala mmosa a nyuwo, a Wiisuupulula 5, hiyo nnoosoma ela minuutu mmosa paahi. Eyo e—eyo elatarato yooreera va ya . . . Va, miyo kahaana, Wiisuupulula kapiitulu 5:

*Numala kaahoona mmatatani mwawe noolopwana
yoole aakilanthe ve—veehiceni eliivuru elempwe
mpuwa ni woohikhala ni—ni—n'uta waya, etthukiwe
n'ikanyeryo thanu na piili.*

Nto miyo . . .

⁶⁷⁹ Vano, nlo khanihiyo ti nipuro. Kintthuna kirowe ohoolo vakhani paahi, axinama axexe. Nrowe noone, eversiikulu 14. Vaareera, mulopwana. Vano ela eri va, ti yeeyo. Vano nrowe nipacerye osulu nno e—eversiiikulu 12, nnari, kinoona wira . . . "Nto axinama axexe yaahihimya wira, 'Amen.'" Nnari, nookhala nipuro naamukhaani ottuli wa yeeyo, Munna Neville. "Moone, miyo kaahiwa nsu . . ."

680 Nrowe noone, minuutu mmosa paahi, miyo kaasoma yeeyo okathi ovinre. Oh, ela va, nrowe nipacerye versiikulu 6. Eversiikulu 5:

Vano humu mmosa aahikileela wira, Muhinle: moone, Kharamu a nloko na Yuta, Mutathaari wa Davidi, ooxintta wira otthukule eliivuru, ni otaphule i... ikanyeryo saya.

Nto kaahiweha, ni... eriyari ya ehice ni... axinama axexe, ni, eriyari y'ahumu, eemenle Mwaapwittipwitthi, aakhala aarimwiiviwa, aahikhala-no miru mithanu na miili ni maitho mathanu na maili, sikhlanle Irooho thanu na piili... sirummwe okhuma... orowa mulaponi.

681 Kintthuna wira nvarelele yookoha eyo, nto kaahikwanye vale vaava muhina mwa minuutu mmosa, kintthuna mukuupuxerye-tho, kintthuna kilavule yeeyo, "Irooho thanu na piili sa maitho mathanu na maili yaari mwa Mwaapwittipwitthi." Oh, eyo etthu yooreera saana. (Ahe, nintthuna nikuxe yookoha ela ya munna vano.) Vaareera, muhiliyale eyo vano.

Vano owo aahirwa khukuxa eliivuru mmatatani noolopwana na ole aakilanthe veehiceni.

Nto vaakunxe awe yeeyo, inama xexe ni mahumu miloko miili ni maxexe yaahuurama ohoolo wa mwaapwittipwitthi... khula mmosa omukunxe tthakare...

682 Vano, iyo ti—ti xexe—inama xexe va, mwaweha vale. Vano nrowe nikelele ohoolo nisome-tho ohoolo vakhani:

... atthakare a eweero... isareiyee ikahi ni irupani... ni mavekelo a atthu oowaarya.

Nto awo yaaniipa nsipo na naanaano... Nyuwo munniphwanela... (ni yaahikelela ohoolo khupaka yawaya... othene yaahaakokhorela Apwiya)

683 Vano, inama iya xexe sa Wiisuupulula, nyuwo mwaweha vale seiyo, khula nipuro... (Nyuwo anammusoma Bibilia, ni yeeyo mutthu onrowa wiiwa efiita ela). Inama iyo xexe, saarina ithoni xexe: emosa yaarina ethoni ntoko mutthu, ekina yaarina ethoni ntoko enyompe, nto ethoni ekina yaalikana ni xawawe, ni ethoni ekina yaalikana ntoko kharamu. Nto iyo khasetta sirowaka ottuli nnakhala, iyo khisaawerya otthikela ottuli.

684 Akavi anuupuwela eliivuru ya Wiisuupulula okathi yiixuttihiw'aya iyaakha sivinre, okathi waakunx'aka iyaakha soophiyaka piili va muLiivuruni mwa Wiisuupulula? Anci-ene w'ale a khalayi annuupuwela.

685 Nkawehani, iyo khisaawerya otthikela ottuli, okhala wira khula epantte saarowaaya saarowa ohoolo. Iyo sarowa ephiro ela, saarowa ntoko mutthu; iyo sarowa ephiro ela, saarowa ntoko

kharamu; sarowa ephiro *ela*, saarowa ntoko xawawe; iyo sarowa ephiro *ela*, saarowa ntoko enyompe. Moone, iyo khisaawerya otthikela ottuli, saarowa ohoolo okathi wothene.

⁶⁸⁶ Vano inama iyo xexe. Vano wira nvare ela voowaakuva, okhala wira nkinthuna okhala okathi munci-enexa mwa yeela. Masi inama xexe. . . *Nxeni*, mBibiliani, ninthoonyerya “owerya.” Nto nyuwo mwaweha vale inama iya khasaari iwe munthiyani wala mphareya nipuro nlo sikhumaka, masi iyo saari Veehiceni va Muluku, ni saamukokhorela Muluku. Inama iyo xexe sinihimya owerya waakhumme elapo ya vathi, ni owerya iwo mixexe saari Ihapari sooreera xexe: Matewu, Marku, Luka, ni Yohani; mmosa khoninvaanyiha mukina.

⁶⁸⁷ Nto emosa wa seiyo, e. . . Ntoko Ehapari yooreera enkhum’aya ntoko kharamu, ti yoolipa, yoochoova; Ehapari yooreera ti yoominyala ntoko kharamu, ni ti mwene ntoko kharamu. Yaarowaka wiitho wa mutthu, ti yoosuwela ni yoowaraala ntoko mutthu. Yaarowaka ntoko xawawe, yookhalana mapupha ooveyaveya ni ottukhuwela osulu saana. Eyo. . . Munnoona enihimy’aka? Yaarowaka ntoko enyompe, eyo ekhavalu ya muteko enwerya opurula, muteko wa enyompe empurula mu—mu—muritti wa Ehapari yooreera. Inama xexe saari ikuru xexe, seiyo saari: Matewu, Marku, Luka, ni Yohani; Ihapari sooreera xexe siniiweya Ohoolo wa Muluku. Eyo yaari. . .

⁶⁸⁸ Vakhala wira mooweha, iyo sahikhalana maitho ohoolo ni ottuli. Iyo—iyo. . . Mapuro othene saarowaaya, sanooneela. Iyo saanoona mapuro othene saarowaaya. Nto iwo ti owerya wa Ehapari yooreera okathi enrow’aya, enniwerya. . . Yookhalana osuwela wa mutthu; yookhalana oveyaveya wa xawawe; yookhalana o—o—o—owerya, owerya w’opurula, enikuxa muritti ntoko enyompe; yookhalana o—olipa ni ohoova wa kharamu. Moone, iyo ti Ihapari sooreera xexe, sikhanelle owerya mixexe wa Wiisuupulula, kapiitulu 4.

Vaareera, vano yootharelana:

69. T’ani akhanle mahumu miloko miili ni maxexe? Vaareera, kookupali wira eri va—e. . . T’ani akhanle mahumu miloko miili ni maxexe?

⁶⁸⁹ Vano eyo ti yookhweyaxa, hiyo naamuwerya okelela yeeyo. Mahumu miloko miili ni maxexe yaakilanthe ohoolo w’Ehice. Eyo eri mu. . . Miyo kookupali wira eri muversiikuluni 4, ti vaavo ephwanyanyaaya. “Vano yaahikhuma ekina. . .” Kihaana o. . . Nrowe noone, kookhalana. . . 4:10.

⁶⁹⁰ Vaareera, Wiisuupulula, kapiitulu 4, versiikulu 10. Ti yeeyo. Nnoophiyerya yeeyo.

Nto mahumu miloko miili ni maxexe yaanuurama
ohoolo wawe ole aakilaanthe veehiceni, ni
emukokhorelaka ole onkhala mahiku othene,

yaanirihela ikhara saya ohoolo wa ehice ehimyaka wira,

Nyuwo munniphwanela, O Apwiya, waakhela ovuwa ni nttittimiho ni owerya: okhala wira ti nyuwo mpattunxe itthu sothene, ni mwaha wa otthuna wanyu iyo sookhala ni soopattuwiwa.

⁶⁹¹ Vano mahumu miloko miili ni maxexe. Humu ti mulipaoowehaxaxa. Vano nwehe, awo yaari axitiithi muloko nanli ni arummwa muloko nanli. Nto awo yaarookilaathi, muloko nanli epante emosa ni muloko nanli ekina. Vo yaakhala mahumu miloko miili ni maxexe, yaawo yaari axitiithi muloko nanli epante emosa, Waataana Wa Khalayi; arummwa muloko nanli epante ekina, a Waataana Wa Naanaano. Yesu khohimnye wira, “Munookilaathi vasulu va ihice muloko ni piili, mulamulaka mahimo muloko ni manli a Isarayeli?”

⁶⁹² Vano, milipiheryo. Nkawehani, waahikhala mwiri memmo. Nto mwiri ipante soopiili oniima mithinto muloko ni miili sa mihokorokho. Nto iyo sinvaha mihokorokho saya vamosa khula mweeri, sikhhanle miyeeri muloko ni miili mwa eyaakha. Iyo saavaha mithinto muloko ni miili sa mihokorokho khula eyaakha enivira. *Muloko ni piili*, mwa nummaru na “okokhorela”, moone. Nto aakhala miloko miili ni maxexe, yaarowa okhala miloko miili ni maxexe, arummwa muloko nanli ni axitiithi muloko nanli. Awo yaakilaanthe Veehiceni.

⁶⁹³ Vaareera, vano eversiikulu 4, ahiiso, yookoha ya neexexe:

70. Nliinya nooxeerya mwa Maphattuwelo 38 naathoonerya exeeni?

⁶⁹⁴ Nliinya nooxeerya, nyuwo mwaweha vale, aari Yuta. Ni owo aahikhalana aana, nto mmosa w'ana awe aamuthenle muthiyana a oKanani. Nto Mukanaani ula khaarina hata aana, ni mwan'awe aahikhwa. Vano, ikano nto saari omukuxa... mwaana aattharelana aahaana omukuxa mwaara a munn'awe, ni onvenxerya osuulu ole okhwiiye. Nto mulopwana mukina khaakhalihenrye ni wira ntoko saarinaawe wira, vano Apwiya khumwiiva. Vano owo aahikhalana mwaana mwammiravo; nto Yuta khwira, “Nwehererye mpakha mwaan'ola wunnuwa... annuwe mpakha ophierya nipuro mukhanlyaanyu otheliwaka ni yoowo.”

⁶⁹⁵ Nto okathi onnuwalyaawe mpakha nipuro vaarinaawe omuthela mwaara a axuulupale awe yaavinre, ahe, owo vaarinaawe omukuxa nto, wira aavenxerye osuulu axuulupale awe yaakhanle... yaakhwiye owo ohinarwe. Yuta khaanvahale muthiyana (muthiyana a oKanani) mwan'awe, mmiravo, nto aahimuhiya paahi khukelela ohoolo. Tivo owo voonalyaawe wira aaniira voovonya, vano owo aahirowa khwiikhuneela ekuwo wiitho wawe, khurwa vaatthuni ntoko namuttompe saarow'awe wira.

696 Yuta aviraka khimukuxa muthiyana ntoko mwaar'awe, ni owo aari namuttompe, ni aahirupa ni yoowo. Nto khwira, owo khwira, "Ahe, exeeni mwaarowaanyu okivaha?" Nto owo . . . owo khwira . . .

697 Owo khwira, "Miyo kinonvaha mwa—mwaana a epuri." Owo khwira, "Ahe, mukivahe ethoonyeryo wira munimwiira." Nto owo khukuxa ekopo awe ni anela awe ni sikina, khusuka.

698 Nto okathi oruhiwaawe mwaana a epuri, awo khiyaawerya omphwanya namuttompe ene, okhala wira khaari namuttompe.

699 Nuuvira okathi vakhani, owo aahooniherya wira aarowa okhala maama. Nto okathi oonihenryaawe wira aarowa okhala maama, awo khurwa omuhimeerya Yuta, "Mwaaara a mwan'inyu ooraruwa." Khwira, "Okhala wira owo—owo onrowa okhala maama, ni an'inyu oowanli ahookhwa."

700 Owo khwira, "Ahe, owo ohaana wiihaniwa, apahiwe."

701 Nto vano owo aahirumihela nuulumo wa Yuta, nto owo khwira, "Mulopwan'ole iirale ela, okhanle ti mwaneene ekopo ela ni anela ola." Vaareera, awo yaari ataata awe.

702 Nto owo khwira, "Ole t'exariyaxa ovikana miyo siryaaka."

703 Vano, okathi owo osuwenly'awe wira an'awe yaahalela oyariwa, awo yaari maphapo. Nto okathi maphapo . . . Mwaana oopacerya aarowa oyariwa, elimalelo ya khalayi y'aYuta, mwaana oopacerya onkhalana ehaakhi y'eyuulupale, mwaana onipacerya okhumela. Nto owo, muupuwele, aari mwan'awe oopacerya. Khaavo hata mmosa w'aximiravo akina aarina aana ni yoowo. Owo khaatonko okhalana mwaana mpakha okathi yoola.

704 Nto okathi mwan'awe oopacerya okhumenlyaaawe, naari ntata paahi. Nto mulipa-ooyariha aahimutthukwela nliinya nooxeerya, okhala wira nliinya nooxeerya naahimya mwaha wa nvuluxo wira mwaana oopacerya a Maria harusi aarowa okhala . . . okhalana nliinya nooxeerya na ovuluxa.

705 Nto vahokoloxenre-awe ntata nawe ottuli, ole mukina t'arwiye toko. Nto vairaly'awe siiso, khwira, "Mwiirenle-ni yeela? Ole mukina t'orina ehaakhi y'eyuulupale."

706 Tivo ti yeeyo Maphattuwelo 38 enihimy'awe, moone. Wira mwaana oopacerya nlelo aahikhala mpakha orwa w'Apwiya Yesu Kristu. Wira ole oopacerya aari vathi va ikano sa ovuluxiwa.

707 Moosuwela wira koohimya . . . mwaapuuru, moosuwela, kimuhimalyaaka, wira maitho awe yaari . . . ni sothene sikina, maaru awe yaamorenle vathi, masi, vakhala wira oyariwe n'ehaakhi ya eyuulupale, mwaapwittipwitthi oohittheka, ooloka ohookhwa nipuro nawe. Eyo eri vo.

708 Tivo eyo yaari ya ehaakhi y'eyuulupale. Mwaana oopacerya aakhumme mw'ame awe, nto awo khoona ntata nle (ni yaahisuwela wira aamuwerya okeliha-tho). Nto okathi owo okhumihaly'awe ntata nawe wira ooniherye wira owo aahikhalana, wira owo aari oopacerya, mulipa-ooyariha aahimutthukwela nliinya nooxeerya nto owo khukeliha-tho ntata nawe. Munnona? Masi, vekeekhai, owo aari oopacerya. Nlo naari nliinya nooxeerya, nliinya nooxeerya nookhalana . . . mBibiliani mothene, nnihimya nvuluxo; nenlo naathoonya ohoolo wa mwaana oopacerya aarowa orwa.

709 Ekhavalo yoopacerya oyariwa, enyompe yoopacerya oyariwa, enakhaleru exeeni, yothene yaari yoopacerya oyariwa (yaakhumela) yaari vathi va nvuluxo yaahaana ovuluxiwa; itthu sothene saahaana ovuluxiwa! Aleluya! Oh, eyo ennikitteeliha murima paahi. Munniiwa? *Oopacerya* aahaana ovuluxiwa. Yaari ekano. Nittotopeliwe Nsina n'Apwiya!

710 Nto okathi Yesu Kristu oyariwaawe, Owo oovuluxa olumwenku wothene. Vekeekhai, Owo oovuluxa. Owo aari Nvuluxa a wa khula yoopattuxiwa etonko opattuxiwa mulaponi. Owo aari ti Nvuluxa. Ni o . . . nvuluxo wothene ori mwa Yoowo, ni khiivo hata enamuna ekina nyuwo mukhanly'anyu orwaaka mwaha wa miteko sooreera, mwaha wo wiitakanxa mukereja, wala etthu p'itthu; muhaana orwa ni nliinya nlo nooxeerya, Nvuluxa owo, mmusi ole Nvuluxa.

Vaareera, vano yootharelana t'ila:

71. Siri vayi soovaha . . . Ixeeni sikhanelle soovaha sinrowa oveleelihiwa mwaha wa okhwa w'anamoona aili a Wiisuupulula 11?

Oh, Munna Palmer, mwaahiweryeke okoha sookoha kamosa-kamosa!

711 Vano, nvuluxo, maliinya ala va, nliinya nla nooxeerya, ninnoona wira naahimya nvuluxo.

712 Vano yookoha yootharelana ti:

Ixeeni sikhanelle soovaha mwa Wiisuupulula 11?

713 Onimoorwa okathi . . . Vano va enoorowa waakhula yookoha yaakhuliwe ohiyu mukina, yeeyo mulaleyi mmosa mpatthani aka aalempe-awe mwaha wa aYuta, moota yaarowaaya okhala.

714 Vano aYuta ala aakhalana iyaakha tthaaru ni nuusu alaiheriwaaya. Akavi anuwela yeeyo? Isumana miloko mithanu na miili saahilaiheriwa. Khwira, "Mesiya onimoorwa ni onookumihiwa eriyari." Iyaakha tthaaru ni nuusu Kristu aahilaleerya, khwiiviwa mwa iyaakha tthaaru ni nuusu voolikana, iyaakha tthaaru ni miyeeri mithanu na mosa Owo aalalenryaawe.

715 Vano nto yootakhala yoowuuliha muru, e—emaka ya Omari khuheliwa Vatthayani Voowaarya; siiso Muluku aahimaly'awe,

iyaakha ikonto piili ni imiya thanu ehinatthi okhumelela, wira yaamukhala weiwe. Profeta aahoona, khoona, khwira, “Awo yaamurowa . . . Amalapo yaamukhala ookuxa iwe mpakha okathi w’Amalapo omala.”

⁷¹⁶ Vano sookhala nlelo iyaakha tthaaru ni nuusu silaiheriwe. Nyuwo mwaweha vale, anamoona ala a Wiisuupulula 11 anlaleerya mahiku ekonto emosa ni imiya piili ni mahiku miloko mithanu ni mmosa; iyaakha tthaaru ni nuusu soolikana. Vano . . . nto awo yaawaranse isaakho. Vano, nwehe muteko aya, etthu awo akhanly’aya. Vano, anamoona ala anli animwiiviwa.

⁷¹⁷ Vano, e . . . Awo yaahokolowenle aYuta vaamanly’aya Okuxiwa Ekereja y’Amalapo. Ekereja y’Amalapo enrowa Owaani wa Niira n’Othela, nto ntoko Repeka saaroihiwaawe owannyawe Abrahamu ni Isakhi nto weiwo khutheliwa. Nto Repeka ni Isakhi yaakhumanse ekuxanse voomalela itthu sothene Abrahamu aarin’awe, sothene saari sa Isakhi. Voomalela! Ni khisaakhanle orwaaka wa Isakhi mpakha Isakhi othela toko. Oh Aleluya! Eyo eri vo.

⁷¹⁸ Nto Kristu onikhala . . . Muluku onkhala mw’erutthuni mmo yooloka voomalela, yoohononiwa voomalela mahiku othene ni Ohimala. Okathi Mwaapwittipwitthi ni Mwaakamweliwa anthelanaaya Wirimu, owo onikhuma eettaka orine-ene sothene. Vekeekhayi! Isakhi ni Repeka yaakhumanse arine-ene sothene.

⁷¹⁹ Nto okathi niira nla niniiraneyaaya Wirimu, na Mwaakameliwa, Mwaakameliwa Mmalapo atheliwaka ni Mukhulupale (Mwaana a Muluku), Moovuwani; okathi anthelanas’aya, sookhala iyaakha tthaaru ni nuusu sinivira okathi . . . Moise ni Eliya . . .

⁷²⁰ Seiyo, Moise ahaatonko awe ohikhala . . . nnari, erutthu awe yaarookuxiwa. Malaikha yaahimukuxa, owo khaahaaxiwe, owo khantale. Owo aari ethoonyeryo yoomalela ya Kristu. Owo aahikhwa nto Malaikha khimukuxa, nto hata xetwani khansuwela nnakhala vavithiwaawe, ni aaheererya owanela ni Mikayeli Nlaikha nuulupale mwaha w’ovithiwa wawe. Ti yeeyo Bibilia ohimmy’awe. Muluku aaroomukuxa Mokuxiwani.

⁷²¹ Nto Eliya, okathi aarowaawe iwe, profeta a Muluku, aahirowa mpakha oYordani, khurula nlaya nawe khumana maasi, nto awo khukawanyeya moonoo woolopwana ni woothiyana. Owo khuwela vamwaako. Elisewu khwira . . . Khwira, “Nyuwo munikittharella-ni?”

⁷²² Owo khwira, “Kintthuna Erooho anyu vaara vanli.”

⁷²³ Khwira, “Nvekenle etthu yoolipa, masi mwakoonaru kaarowaka.” Owo khaakumiha maitho awe mwa yoowo.

⁷²⁴ Nto nuvira okathi vakhani, okhuma Wirimu yaahirwa ekaaro ya mooro ni Malaikha a mooro, ikhavallo sa mooro, nto

Eliya khuwela khurowa osulu Moovuwani. Owo khonalawiheke okhwa, owo aarookuxiwa, ohaana okhwa!

⁷²⁵ Nto nyuwo mwaaweha vale maprofeta ala anli a Wisuupulula 11, awo aniira etthu emosaru Moise ni Eliya yiiranse-aya. Nyuwo muniira, “Munna Branham, nyuwo muntthuna okileela wira Eliya ni Moise nlelo akumii?” Vekeekhayi!

⁷²⁶ Vano, ohinatthi Omwaako wa Orukunuwa...Omwaako wa Orukunuwa, Yesu ahinatthi orowa oKalvario, vale yaaphwanyaneya oowaili Moise ni Eliya yeemelanse-ene vale elavulaka ni Yoowo. Vekeekhai, awo yaahilavula, awo khakhwaanse. Ni awo khanatoko okhwaasa; awo atthu anookhwa, ahaana okhwa. Vano awo arisa mmukhaleloni woovuwihwiwa ewehereryaka okathi yoowo.

⁷²⁷ Vano nto okathi anhokolowas'aya elaleerye iyaakha tthaaru ni nuusu soolikana ni muttikithelo wa Opatiiso wa Erooho Yoowaarya, okathi iparakha sinikumihiwaaya w'Amalapo (ni Ekereja enikuxiwaaya); nto ekereja yooriirya, yookhaleleya enixaiwaaya ntoko alapwa, ni eparitiitu komunista ni y'oRooma, nto okathi anixaiwaaya ni wiiwiwa. Awo—awo animwiivasiwa nto; maprofeta ala anlaleya iyaakha tthaaru ni nuusu, ni Bibilia ohimnye wira awo yiiwiwe wuulupale. . . mphironi, eniihaniwa mwa erooho, Sotoma ni Ejitu, weiwo Pwiy'ahu aakhomeliw'awe. Eyo ti wu oYerusalemu; moone, oYerusalemu wu, mwa erooho eniihaniwa siiso.

⁷²⁸ Vano awo yaahaataleleya mphironi mahiku mararu othana n'uhyu. Vano nto wookiseryani wa mahiku mararu ni nuusu, erooho y'ekumi yaahikela mwa yaawo vano awo khuvenyasa. Yaahaana okhwa ntoko atthu akina ankhwa, awo yaahaana okhwa. Nto okathi awo awiivanse-aya alaleyi ala anli. . .

⁷²⁹ Awo yaalaleerya epwapwelaka itthu sootakhala, ni yaaniruuha mooro okhuma wirimu. Ti pani iirale yeeyo? Munnona? Awo yaaniruuha ihasara okhuma wirimu, ni yaahihonona elapo vowaakuva ntoko...ni khula okathi yaathunaaya. Ni awo yaaniruuha mooro okhuma wirimu. Ni yaahitthuka erimu wira epula ehuru, okathi waathunaaya. Aari pani uwo? Vekeekhai Moise ni Eliya. Nto awo t'anamoona aili.

⁷³⁰ Nto okathi ahasulanse-aya ekereja, ahiiso olumwenku, mwaha wo olaleya waya; ni ewaakhelaka aYuta, ni waahokoloxerya orukunuxa murima, yaahokoloxeryaka-tho waamini. . .Awo yamoonaru Yesu omurweela Mwaakameliwa, awo animwiira, “Moone, ola ti Muluku ahu Ole naamulipelel'ahu. Ti Yoowo!” Masi Owo khonaarweela awo; Owo onimurweela Mwaakameliwa Awe. Ni Mwaakameliwa Awe. . .

⁷³¹ Okathi Yosefe aaronw'awe wEjitu, owo khaakunxe axinn'awe ni yoowo, masi aamphwannye mwaakameliwa awe

weiwo. Vekeekhayi! Masi okathi oisuwelinhaawe mmansawe w'axinn'awe, khaakhanle hata mutthu vaavo. Eyo ekeekhaii voolikana. Nto okathi Owo oniisuwelihaawe Mmansawe w'aYuta ala, awo khonrowa okhala hata mutthu iwe woohikhala aYuta. Vale ari ale yaamwiivale Yosefe, eemenleene vale; nto owo khwira, "Ahe, miyo ka Yosefe, munn'inyu." Vano owo aahinla.

⁷³² Nto awo khwira, "Vano hiyo noosuwela wira ninooliva, okhala wira naahimwiiva."

⁷³³ Etthu emosaru, aYuta ale anoorkhalana okathi uwo muulupale wa muxankiho okathi vakhani ohinatthi orwa vano, wo olupatthiwa onaahokoloxerya muttethe aya. Animwiikariwa ntoko nikoto na ipwittipwitthi orowa oMwaako Karmelo iwe.

⁷³⁴ Okathi Apwiya Yesu animurweelaaya Mwaakameliwa Aya, vano awo anoomoona Owo, awo animwiira, "Ole ti Ole naamulipelel'ahu, Owo ori vale!" Owo onoovenya n'uvoniha mmapuphani mwAwe. Ti yeeyo.

⁷³⁵ Ni ekereja, ale yaahanle a aYuta, okathi vookiserya aniwiiwaaya maprofeta ala aili, nto awo anaataleleya mphironi munihaniwa oSotoma ni Ejitu, weiwo Pwiy'ahu aakhomeliw'awe-wo, awo anooveleeliheryana soovaha mukina ni mukwaawe (olumwenku onniira).

⁷³⁶ Vano, Munna Palmer, ela va. Nkawehani ottuli mwa wahala a oRooma nto munoophwanya wira yaari elapo emosa paahi molumwenkuni mothene etonko oveleeliha soovaha nuumala owana ekhotto, owo ti Omwene w'oRooma.

⁷³⁷ Mwaha wa yeeyo kinihimery'aka wira nwanani a Kristu onikhuma oRooma. Nxeni ninkhuma oRooma, khanikhanle okhumaka oMoskovo. Ninkhuma oRooma, ehanasi yooxeerya yaamweemelenle muthiyana wira emmirye Mwan'awe omalakarw Owo oyariwa. Xetwani uwo, aari vayi xetwani uwo? Aari pani? Sesari Aukusto aarumme wiiwiwa anamwane othene okhuma iyaakha piili orowa vathi. Ehanasi yooxeerya, ehanasi, *nxeni* enihimya "owerya." Owerya w'oRooma waahimulupattha ni ophavela omphwanya Mwaan'ole Kristu.

⁷³⁸ Nto etthu emosaru yeeyo! Khula okathi aRooma, aRooma eepakawu a khalayi yaakhalan'aya oxinta wuulupale, awo yaaveleeliheryana maluku ootteela ni sothene mmosa ni mukhwaawe, ntoko soovaha siiso, ntoko miyuupuxeryo. Tivo maluku ale yaari... Yaari exeeni, saari soovaha sikhaani saaveleeliheryaniwa eriyari ya ekereja y'oRooma. Vekeekhayi! Vekeekhai. Ehaana okhala.

⁷³⁹ Miyo kaahikhala iwe Epooma y'oVatikanano ni kaahitholathola ni Bibilia. Paapa owanre ekhara ya ipantte tthaaru, *Vicarivs Filiu Dei*, itthu sothene iyo miyo siiwaly'aka ni sikina, eyo ekeekhaii voomalela; nikhuru na etiini ninruma khula elapo vathi v'Erimu, ni ninniira. Eyo eri vo, ti siiso.

740 Hat'etthu yo waavirikanya atthu aKatolika (nnari, mulopwana), awo t'oreera murima ntoko mutthu mukina, masi etiini aya ti yoovonyeya voomutthariha Bibilia ola. Vakhala wira Bibilia ola t'olikana awo aavonya. Awo aniira wira khani. . . "Khivancala ele Bibilia enihimy'awe, t'ile ekereja enihimy'aya." Hiyo ninnaamini wira Bibilia onnilavula ni elamulelo yoomalela! Vekeekhai, awo ti Masu a Muluku.

741 Vano moone vo, maluku ala yaaveleeliheriwa nto, a Wiisuupulula va, ti ma—maluku yaari soovaha saaveleeliheraniwa mmosa ni mukwaawe. Eyo enrowa wooniherya paahi. . . Bibilia oohimya, Wiisuupulula va, khwira, "Ole orina ankhili uupuwele nummaru na nxeni. Ole orina ankhili aire *lexe n'elexe*. Ole orina erooho ya soovaha khata aire *lexe n'elexe*." Munnoona okhoveya xeeni ekereja ery'aya?

742 Mmiravo mmosa aahikikoha voosiis'ula mwaha wa soovaha sa erooho, mwaha wa olavula ilavulelo. Mmiravo mmosa, a xariya saana, kookupali wira owo onrowa okhala murumeyi mahiku awo. Ni mwaha wa ekereja, miyo khwira, "Khasireere sa yeeyo sikhlanle s'erutthu. Hiyo khaninthuna eyo, masi nintthuna etthu y'ekeekhai. Hiyo ninniwehererya okhalana."

743 Khamukhanle orowaka wiixuttiha mukereja; naanaanoru, munikhalana, mmosa onkhalana elavulelo, mmosa onkhalana nsipo, vano nyuwo muhaana owanana etthu iyo. Masi Muluku avaharu yoovaha v'omwaneene, eyo enimwiisooniherya mmansaya. Ti yeeyo. Moone, iyo ti soovaha sa Muluku, ti seiyo Owo oniveleeliheryaawe Ekereja wira exintteke.

744 Vano, nwanani a Kristu ookhalana etthu ntoko ecalelo ni yoovirikanya, owo orina e—e—enamuna yoohononiwa yo wira. Nto owo ti omwene w'oRooma onveleeliheryana soovaha mmosa ni mukhwaawe, soovaha sa erutthu. Muluku onaaveleeliherya soovaha sa erooho alipa-ooxintta; Rooma onveleeliheryana soovaha sa erutthu mmosa ni mukwaawe.

745 Hiyo ninnaamini wira Erooho Yoowaarya Eroohoo, hiyo ninaakhela Eyo ni opatiiso onkhuma Osulu.

746 Ekereja Katolika eniixuttiha, "Okaristiya woowaarya okhanle erutthu ya Kristu; wira nyuwo mwaakhela mukatthe ola ni ostiya, *ti* Erooho Yoowaarya, Erooho Yoowaarya, okaristiya woowaarya." Munnona?

747 Hiyo ninaamini wira nlo nipattuuxa na mukatthe, hiyo khinnaamini wira eyo erutthu ya Kristu, (hiyo nihanle waakhela yoowo muhina mwa minuutu vakhani). Hiyo ninaamini wira enthoonyerya erutthu ya Kristu. Masi kehiyo. . .

748 Eyo t'evirikanelo eriyari ya mwiixuttiho w'Ekatolika ni w'ePrustante. Munnona? Ekereja Katolika enihimya wira, "Erutthu ti. . . Mukatthe *ti* erutthu y'ekeekhai. Ekereja yookhalana owerya w'orukunxa yeela." Nyuwo mootoko omoona muKatolika aviraka ohoolo w'ekereja, wuuramiha

muru awe, n'upaka mwiikimanyo? Nto mwaha wa muthuk'ole mwaamukhaani onivarela mukereja vathi v'empa ele yaamukhaani. Wookhalana muthuko mwaamukhaani mme, nto mukatth'owo ostiya onkhala memmo. "Nto eyo ti erutthu ya Kristu. Ni wira mwaakhelaka yoowo, vekeekhai munaakhela erutthu y'ekeekhai ya Kristu mwa ekomunyawu anyu yoopacerya ni olapa wanyu ni sikina. Nyuwo munaakhela, vekeekhai, erutthu ya Kristu."

⁷⁴⁹ Hiyo nnihimya wira eyo *enthoonyerya* erutthu ya Kristu, moone, wira kehiyo hat'etthu molumwenkuni woohikhala nipattuuxa na mukatthe. Ni khencala wira hata wahaari mukatthe, yaakhanle etthu ekina, yaarowa othoonyerya yeeyo. Vekeekhai—vekeekhai yeeyo. Vaari wira awo. . .

⁷⁵⁰ Ntoko atthu ala anihimya'aya, "Miyo nkaarowa opatisiwa mutankini, kintthuna kipatisiwe mmurathhini."

⁷⁵¹ Evirikanelo xeeni iyo eniir'aya, vakhalaru wira moopatisiwa? Vakhala wira mutankini, ni. . . Vano, Filipe aapatisiwe mutankini. . . okathi mulipa-oohuliwa aapatisiwaawe. Okathi Filipe aamupatisale-awe mulipa-oohuliwa mutankini, Erooho Yoowaarya yaahimukuxa mpakha Eyo omukuxa Filipe, owo khooniwe wa ikilomo imiya tthaaru ni miloko miili n'emos. Yaahimukuxa Owo muRoohoni, khunvaha e—ekaaro ya Wirimu wa ikilomo imiya piili ni miloko miili n'emos. Amen. Yoothamaleya!

Vano:

Atthu oowaarya anrowa okhala yayi nuumala elamulelo ya miyaakha ekonto emosa? Ni muthinto xeeni w'erutthu awo anrowaaya okhalana? Miyo kinootthikela yeeyo okathi vakhani. [Munna Branham onaakhula yookoha ela muparakrafu 820, ntoko yookoha 74—Mol.] Awo anrowa okhala ni Yesu.

⁷⁵² Vaareera, yo—yookoha ya neethanu nenli:

72. Ninrowa olamula sayi malaikha?

⁷⁵³ Eyo emphwanyaneya mu. . . Ninrowa olamula sayi malaikha? Mwaha w'okhala aana alopwana n'athiyana a Muluku. Malaikha arumeyii; hiyo n'ana alopwana ni athiyana a Muluku. Ni Bibilia ohimnye wira hiyo ninrowa olamula malaikha. Ti yeeyo. Vano, vano nyuwo mwa. . .

Yookoha 8:

73. Xeeni maihi mwaha wa malaikha a aKorinto Oopacerya?

⁷⁵⁴ Vano mutthu akiphwanyerye aKorinto Oopacerya, ka—kapiitulu 11, nto ninrowa woona vaavo, wira musuwele wira e—e. . . Mwa aKorinto Oopacerya, mu—mu 11, ninniphwanya wira Paulo onlavula yeeyo. Mukihiye kiphwanye yeeyo minuutu mmosa paahi, vano nto ninoosoma voowaakuva nto nuumala nini—ninimoona.

⁷⁵⁵ Kihaana etthu yo ohimya mwa eversikulu ila ekina va, kinwehereryaaka wira Apwiya anoonivaha enamuna vaatthuneyaaya hiyo okhalana. Akhala mutthu oniphwanya eyo...Kinoona wira ti ekapiitulu 11, ayo, vaareera. Vano nwiriyane oratteene, oratteenexa vano, wira musuwele saana. Vano mukuxe ankhili anyu othene ni muhele mukoletini mw'anyu mpakha miyo osoma ela, nyuwo moone, mulavule Yeeyo. Nwiriyane oratteenexa, ela ti SIISO ANIHIMYA T'APWIYA:

Nyuwo mukitakiheke miyo, ntoko miyo-tho... kinimutakihaaka Kristu. (Paulo ohimye wira, "Mukitakiheke miyo, siiso ntoko kinimutakihaaka Kristu.")

Vano miyo kinnoottotopelani nyuwo, axinn'aka, okhala wira nyuwo munnikuupuwela mwa sothene, ni weettelaka ikano, ntoko miyo soovaherenryaakani... nyuwo.

Masi kintthuna wira musuwele, wira muru wa mulopwana othene ti Kristu; nto muru wa muthiyana ti mulopwana; ni muru wa Kristu ti Muluku.

⁷⁵⁶ Munnoona moota ery'aya? Muluku, Kristu, mulopwana, muthiyana. Vano:

Khula mulopwana onvekela wala onlaleerya, orine-ene muru wookhuneeliwa, khonimuttittimiha Kristu.

Masi khula muthiyana onvekela wala olaleerya muru awe ohikhuneeliwe khontittimiha muru awe:...

⁷⁵⁷ Vano nikhhalane minuutu mmosa paahi, kiwooniheryeni wira maihi wa muthiyana ti yookhuneela awe:

...okhala wira...onkhala ntoko ometthiwe mputu. (Eyo enihimya wira vakhala—vakhala wira owo onoomettha maihi awe, vano ametthe mputu.)

Tivo muthiyana ohinwara eveewu, fataari ametthe mputu: (omettha enihimya ometthiwa mputu, moone)...*masi yakhala yoowuuliha muru muthiyana omettha wala omettha mputu, akhuneeleke muru awe n'eveewu.*

⁷⁵⁸ Vano ninkelela yookoha va nyuwo munikohaanyu. Munnona? Vaareera, vano ti yoonanara wa—muhanano omettha maihi awe, voomutthariha Bibilia. Vano nwiriyane va moone sinto Bibilia khoninvaha mulopwana ehaakhi voolikana ni ikano y'ommalwala mwar'awe owo amethharu maihi awe, noone yaary'ene yoolikana wala nnari.

Vakhala wira mulopwana...Tthiri mulopwana ahikhuneeleke muru awe (eyo ti wii, okhalana maihi oorakama), *okhala wira owo elatarato ni ovuwa*

wa Muluku: masi muthiyana ori movuwani mwa mulopwana. (Mootoko wuupuwelela yeeyo?)

759 Vano kintthuna keemele vaava, okhala wira kintthuna wira ela ekele muhina saana, moone. Nto vano muupuwele, miyo koowoona athiyana ikonto miloko sene oophenteya (kinnaasuwela awo naanaano va, ni anci-ene aya akilanthé mukereja mu) arina maihi ookhuvéya, awo aKristu. Ni etthu enihimeryaaka ela khamuhiyo nyuwo, ti enamuna mwixutthiwaanyu. Munnona? Ti yeeyo. Mulaleyi anyu khonatokó wooleelani ila. Masi yakhala athiyana kamosa-kamosa mutapernakulu ari siiso, weso awo t'ottheka. Moone, okhala wira vekeekhai hiyo ninnaahimeerya yeeyo.

760 Vano, vano nwehe ela:

...mulopwana...Tthiri... (eversikulu 7)...Tthiri mulopwana...

761 Vano, t'ani onlavula va? Vano, woovira okathi muthiyana mmosa iirale, "Oh, Paulo aari mulipa-oowaanyokha athiyana."

762 Ahe, vano niry'ene vaavo, nrowe paahi nikhunle va aKalasiya 1:8, noone etthu Paulo enihimya'awe wa yeela, moone, mwa aKalasiya 1:8. Munooophwanya wira Paulo oohimya va mwa aKalasiya 1:8:

...hata nikhalka hiyo, wala nlaikha ninkhuma wirimu, ninlaleya ehapari ekina ohiya ela nyuwo mwiiwaly'anyu, atakhaliwe.

763 Vano muhikihimiyane mulattu miyo, mmuhimiyane Yoowo, moone.

Tthiri mulopwana ahikhuneeleke muru awe, okhala wira owo ti ovuwa ni elatarato ya Muluku: masi muthiyana ti ovuwa ni elatarato ya mulopwana.

764 Vano nwehe eversikulu enttharelana:

Okhala wira mulopwaa khakhumme wa muthiyana; masi muthiyana t'okumihive wa mulopwana.

Nave-tho mulopwana khopattuxeriwe muthiyana; masi muthiyana t'opattuxeriwe mulopwana.

765 Vano, kinihimya ela vano ni ophenta w'ekeekhai ni esivelelo, ni kinroromela wira nyuwo munimwiiwa saana enamuna emosaru miyo enihimya'aka yeela. Masi Amerika...Ntoko mulipa-ooweetta mulaponi mothene, Amerika orina malamulo ootepaxa okhala a vathi ni oonanara mwaha w'axithiyana aya ovikana khula elapo molumwenkuni. Paris, oFransa aamuwerya omora voowuuliwa muru epantte ya enamuna Amerika onaahiyaawe athiyana aya wira. Ti yootakhala!

766 Nyuwo mwaanisuwela wira muluku a wAmerika muthiyana? Miyo kinoowerya owooniheryani yeeyo ni Bibilia ola. Eyo

ekeekhahi. Nyuwo munnisuwela wira ehaana orwa siiso wira ekereja Katolika ekelihe mwiixuttiho aya wa harusi Maria?

⁷⁶⁷ Vano, vakhala wira muthiyana khapattuxeriwe mulopwana, kahi... Vakhala wira mulopwana khapattuxeriwe muthiyana, masi muthiyana t'opattuxeriwe mulopwana, vano munrowa mukokhorela sayi muthiyana? Munnona? Vano, exeeni yiirihale eyo, eyo epacenrye oParis nto emalenle oHollywood. Vano Paris ohaana orwa oHollywood ophwanya itakiheryo saya ni mihapo saya ni itthu, iwo ohononeya wa axithiyana ahu a wAmerika.

⁷⁶⁸ Exeeni iyo? Elapo ahu yookhala ekhaani mpakha awo owaakha miteko alopwana, ni waahela-mo athiyana mu mapuro ala, mpakha ipursento miloko mithanu ni xexe, ntoko, t'anamittompe. Ni anihimya wira alopwana aamala, tthiri, okhala wira awo arina athiyana mmo mmitekoni mwaya. Ni awo arookhalaxa vathi mpakha yaahenlyaaya athiyana okhala anamakhapelela murettele mphironi. Iwo otakhaliwa wa khula elapo! Ayo, mulopwana. Munrowa wira exeeni mwaha wa yeeyo?

⁷⁶⁹ "Muniira exeeni wa yeeyo, Munna Branham?" Kihaana ottittimiha, miyo ka nammuttettheni a wAmerika, kiniira ele mukhulupale muulupale enihimya'awe wira kiire. Vakhalaru wira miyo... Vakhalaru wira—mmusi aphiyererya-ru opwetexa nttittimiho wa amusi (anamwane opwetexa nttittimiho w'axitiithi), emusi iyo enookawanyeya kapatti-kapatti. Vakhala wira e—ekereja yaphiyererya-ru epwetexaka nttittimiho wa pastore aya, vano ekerej'eyo yoomalamala. Ni elapo yaphiyererya-ru epwetexaka nttittimiho aya wa epwaro yuulupale ya milattu ni ophuka waya, elapo eyo enookawanyeya kapatti-kapatti. Eyo ekeekhahi volikana. Nihaana ottittimiha itthu iyo okhala wira ti mukhulupale muulupale, moone. Masi kahi yooreera woopaceryani. Voomalela!

⁷⁷⁰ Mwaahisuwela wira mulopwana mmosa mBibiliani... a Maphattuwelo, kapiitulu 1, okathi Muluku ompattun'awe muthiyana ni—ni mulopwana, khumpattuxa mulopwana ni athiyana, nto Muluku aahimwiirela Hawa wira "iy'anyu onamoorumakani, okhala mukhulupale anyu"? Mulavule yeeyo wAmerika moone etthu enrowaanyu ophwanya! Mmiravo, kahi yeeyo, muthiyana t'onimuruma mulopwana; awo ahaana wira yeeyo, mapuro aanamunci-ene aakhalihwi... .

⁷⁷¹ Kaamuwerya waaruaha athiyana, vaakhanle wira kaahaana, okhuma musaala mwaka mme, ituusiya sene, sa athiyana oowphwanela... Nkinihimya wira athiyana othene khayaarina ovaraka muteko imaara kamosa-kamosa; khino awo arina iy'aya onwereiwa wala etthu siiso, nto awo ahaana ovara muteko. Masi awo yakhala wira kharina, khivaatthuneya ovara. Nipuro naya owaanii, emp'aya yaamukhaani y'emwene, ti weiwo awo vekeekhahi yaatthuneyaaya okhala.

772 Nto athiyana ahu a wAmerika annikhalana ocaleliwa w'orowa olya ntoko ekuluwe wala okhwa. Hata mwa axinama othene ni sikina, etthu iyo yaapwahaka, eyo enookhumelela n'uhonona nloko nothene na yeeyo.

773 Ookhala mwaapalame mmosa mwaamukhaani wAfrika, nto owo mwaapalame mmosa a munupi mwaamukhaani.

774 Vano, voolimaleleya, oothiyana kweekwe t'onkhala oonanaraxa w'awo anli. Oolopwana kweekwe t'onkhala ooreeraxa, epaala yoolopwana, etthove yoolopwana, mulalampi woolopwana, mu—muthupi, ni kweekwe t'onkhala ootepa. . . Okhala wira, oothiyana ti mwaapalame oowaani. Owo onkilaathi v'epuruni, owo onaalela an'awe. Owo t'oniwipithiherya ekhololo, enowa, khwatte, ni sikina, moone, wira aaleleke an'awe.

775 Masi mmuxovoni vaavo e. . . ahiiso muloko ole—ole—ole muthiyana, ahiiso oothiyana, onxintta mwa oreera, kweekwe muthinto woohononiha. wAfrika, nyuwo mmukuxe mwaapalame. . . Ookhala mwaapalame mwaamukhaani wu, ni mmosa yoowo paahi mulaponi mothene kinsuwel'aka, oothiyana aya okhanle ooreeraxa onvikana oolopwana. Nto eyo yaairaneyaka. . . Mwa—mwaapalam'owo namuttompe voohihyererya. Owo onoorowa n'umphwanya mwaapalame oolopwana, n'ukhuma ni orela nikuttha na mooce numala okumana ni mukina nto onoomuhiya oolopwana wuuramela mooce owo arowaka omuxaya oolopwana mukina. Eyo vekeekhai ekhweeli. Munnona? Munnoona enihimy'aka?

776 Mu, vano nkawehani, wAmerika olelo, w'athiyana ahu. Mmiravo mmosa a oKentucky aahikihimeerya, mahiku vakhani avinre, wira yaahikhala athiyana imiya thanu na tthaaru yaavara muteko ekaafirika emosa nno oKentucky. Nto owo khwira, "Miyo kaamuwerya wiisoona olipa wira kilaphe wira imiya xexe a yaawo vekeekhai anamuttompe a mphironi, athiyana ootheliwa arina anamwane." Mulopwana mmosa aahimukumiha mwaar'awe iwe khumwepettha ni ethaapwa, vano nto aahalela omwiiva. Ni mukina aahirowa khumoopela mulopwana mmosa. Ni mukina othikilaka ni awanaka. Eyo khiyaatthunaneya okhala. Eyo kahi yooloka.

777 Mmuhokoloxeryee muthiyana nipuro onaapeiwa weiwo okhanle opuro awe, nto itthu sothene sinookhala oratta-ene. Masi nyuwo mwamuhela iwo mmutekoni w'anamunci-ene, owo onoothoneya. Veke- . . . Miyo nkinihimya wira. . .

778 Athiyana a wAmerika anoottukhulela ephula aya osulu ni wira, "Khiivo etthu wa Yeeyo." Ni, "Mukoonihe." Vekeekhai, nyuwo muhaana wira yeeyo, okhala wira Bibilia aahihimya wira mwamwiira. Nyuwo muhaana wira eyo.

779 Nto va okathi. . . Eyo yaanikhalaka wira, khalayi, mukereja Metotista, muthiyana amettharu maihi awe, owo aamoomoliwa

mukereja. Vekeekhai, awo yaaniira. Ayo, vekeekhai. aNasareeno, Anawetta a Osantu, aPentekosite, othene aya yaaniiraka. Exeeni yiiraneiyē?

⁷⁸⁰ Moosuwela mwaha wa xeeni? Nyuwo murina makenyeya kamosa-kamosa ottuli w'epulpitu. Eyo ekeekhaii voolikana. Mutthu onimoova ohiihiwa ettikitti aya ya yolya... woova wira mwaamuwoomola, waakumiha mukereja. Awo khiyaarina ominyala saana wira yeemelane, yeemelane Masu a Muluku hata wira Awo yaamusikuliha wala khiyaasikuliha. Eyo vekeekhai ekhweeli.

⁷⁸¹ Nwiriyaane va, mulopwana t'okhanle namaruma. Mhuupuwelele wira munooruma owaani. Nyuwo khamuhiyo mulupa-ooruma a vatthokoni. Nyuwo vekeekhai mwa... Nyuwo khamuhiyo epottha vano, masi nyuwo mwa namakhaliherya. Nto Atamu... Mulopwana ookhalana omuruma mwaar'awe, owo t'ori namweetiha a mwaar'awe. Muluku onoomwaakhuliha mulopwana mwaha w'amwaar'awe. Vano, musome moone vakhala wira Muluku onnihimya yeeyo vano.

Tthiri mulopwana ahikhuneeleke muru awe, okhala wira owo ti elatarato ni ovuwa wa Muluku: . . .

⁷⁸² Muluku kahiyo muthiyana, Muluku Mulopwana. Moosuwela wira awo yaamukhalihaka Maria harusi ni sothene iyo, ni olapele-... ahiiso ilapelo ni sothene ntoko seiyo, ni onvekela Maria harusi, moosuwela ethu eyo enikuupuxeryaaya? Muluku muthiyana muulupale Tiyana, yoole Paulo aampwapwenlyaawe khummalamaliha. Ti yeeyo. Owo iirale, "Vano, Muluku kahiyo muthiyana!"

⁷⁸³ Mwala waaroomorela mmatta nto awo khwira wira amuluku athiyana yaaroorihela vathi elatarato aya, mwaha wa yeeyo muthiyana oKorinto, ni mapuro ale, e... yaawo yaamukokhorela Tiyana, yaatthunas'aya okhala alaleyi.

⁷⁸⁴ Awo yaahimya wira, "Vano, erooho enihimenrye wira naamuwerya olaleya."

⁷⁸⁵ Owo khwira, "Exeeni? Masu a Muluku akhumme wa nyuwo, ni awo arwiiye wa nyuwo meekhiinyu? Akhala mutthu onuupuwela okhala a erooho wala profeta, asuwele wira ethu enihimy'aka ti sooruma s'Apwiya: muthiyana akhaleke oomaala ni oowiiwelela mukereja, kahi wiixuttiha wala okhalana oruma." Eyo ekeekhaii! Ti yeeyo Yoolempwa ehimaly'aya. Munnona? Nto Muluku onoorowa owaakhuliha nikhuru n'alaleyi mwaha wa yeeyo Nihiku na Olamuliwa.

⁷⁸⁶ Ahe, nwiriyaane! Nyuwo muniira, "Ahe, miyo kinimooleelani, miyo kixuttihiwe yeeyo." Nyuwo munnisuwela saana vano! Ti yeeyo. Nyuwo wala mutthu apacerya owurya murette, vano mutthu khoohimeeryani wira ti woowiiva, nto nyuwo—nto nyuwo munatthikela nwuryaka khula enamuna, owo mulattu anyu numala yeeyo. Munnona?

787 Vano nwiriyane ela:

Okhala wira mulopwana khakhumme wa muthiyana; masi muthiyana t'okumihiwe wa mulopwana.

Tivo muthiyan'ola vakhanlyawe okhalanaka owerya mmuruni mwawe mwaha wa malaikha.

788 Ookhala a nyuwo onsoma? aKorinto Oopacerya, kapiitulu 11, versiikulu 10. Mwaweha vale, “owerya,” (Mwaha wa xeeni?) “wa malaikha,” aKorinto Oopacerya, okhala wira malaikha ti mulopwana, namitthaka. Nkawehani, ti “m” yaamukhaani tho. Yaahimiyaka Malaikha, a Malaikha a Wirimu, enkhalala “M” yuulupale, “M” ya elepeliwo yuulupale. Varyaaya “m” yaamukhaani, anihimmwa malaikha atthu.

Ohiya vo mulopwana khankhala ahikhanle mulopwana...ahiiso muthiyana,...hata muthiyana ahikhanle mulopwana—mulopwana, mwa Apwiya.

Tthiri ntoko muthiyana okumihiwaawe wa mulopwana, siiso-tho mulopwana oniyariwa ni muthiyana;...sothene ti sa Muluku.

Mutthokelele...nyuwo axineene: vannireerela wira muthiyana anvekeleke Muluku (ni maihi ookhoveya) ahiikhunenle? (muupuwele yeeyo vano)

789 Vano nwehe:

Wala ephattu ene kheniwiixuttihani, wira, mulopwana okhalana maihi oorakama,...

790 Muniira, “Eyo enihimmwa exeeni?” Maihi. Khamunoona etthu Paulo enihimya’awe? Maihi, maihi oorakama! Vakhala... Muthiyana aahaana okhalana maihi oorakama. versiikulu 14 vano:

Wala ephattu ene kheniwiixuttihani, wira, mulopwana okhalana maihi oorakama, ti yoowuuliha muru?

791 Muhiiwa? Ti yoowuuliha muru mulopwana okhalana maihi oorakama, masi muthi-...nlo nipuro na muthiyana. Muluku opanke mulopwana oovirikana ni muthiyana, mwa omwilimwana ni ekhalelo, n’itthu sothene sikina. Owo khaarina oowaraka ekuwo...Bibilia ohimye wira “Muthiyana awararu ekalsa wala khula ekuwo eri ya mulopwana, ti yooweetiha murima ni yoonanara ni yoottakatta vamaithoni va Muluku.” Ni Muluku onoomuliviha mwaha wa yeeyo. T’ani onrow’anyu omwiwelela? Masi ola Bibiliaa!

792 Nto nyuwo muneetta muhimyaka wira, “Vano, kinoona wira ti yooreera wa...owoona athiyana ewanre-ene ikalsa.” Masi Muluku aapanke voovirikana, Owo onthuna wira ewareke voovirikana.

⁷⁹³ Ni Bibilia oohimya, “Muthiyana hata awara-ru ekuwo eri ya mulopwana, ti yoonanara.” Moosuwela etthu ekhanle *yoonanara*? Ti “etthu ekhanle yoothanyeya vamaithoni va Muluku.” Ni Yehova Muulupale Yoowo onweha vathi onoowehani ntoko etthu yoothanyeya. . . Ni Bibilia oohimya. . .

⁷⁹⁴ Nto nyuwo muniira. . . Amosa-amosa a nyuwo ahano vano, w’an’inyu axithiyana axiruusi, a miyaakha muloko ni mithanu na miraru, miloko miili, munaahiya ekhumelaka nno ewanre-ene ntoko siryaawe!

⁷⁹⁵ Ni nyuwo, nave, maama! Munnona? Mwaakhumelaka ota nwanre-ene ikalsa iya ni itthu n’ukhala. . . n’urowa mphironi, ni—ni okhalana ikuwo iyo awo ampakasaaya mahiku ala, ni wookhalihani wooneya ntoko etthu mukikhanlyanyu. Munnona? Nto nyuwo munikumela iwo mphironi mooneyaka v’ekhapa, nyuwo pooti okhala oohittheke ni ooloka ohoolo w’aiy’anyu ni sothene, masi nyuwo mwaakhumelaka mphironi vano mulopwana khunoowehani okhala wira nyuwo mwiisoonihenrye mmansinyu siiso, moottheke, ni munoorowa waakhula Nihiku no Olamuliwa mwaha wo oraruwa ni khula mulopwana oowenheni siiso. Ti yeeyo Bibilia ohimmy’awe.

⁷⁹⁶ Bibilia ohimye wira, “Ole oninweha muthiyana anwereihaka murima, oomala oraruwana mmurimani mwawe,” ni nyuwo moottheke ni munoo. . .

⁷⁹⁷ Nyuwo munimoorwa woolamuliwani mwiire, “Apwiya, Nyuwo munnisuwela murim’aka; miyo nkinatoko oraruwa, kaakhala vooromeleya n’aiy’aka.”

⁷⁹⁸ Masi va onookhala mulopwana, va onrowa okhala mukina, va mukina, mukina, mukina, muloko n’athanu, miloko miili, miloko miraru, miloko mixexe a yaawo yeemelanse-ene weiwe yiraka, “Oottheke mwaha wo oraruwa!” Mwaha wa xeeni? Mulopwana mmosa aahoowehani.

⁷⁹⁹ “Ahe, miyo nkaarina naata ni yeeyo.” Ahe, xeeni mwaaisooniheryaanyu siiso? Okathi Muluku oohimenry’aweni wira muhiwareke seiyo, yaari yoonanara owara, ni munoorowa omwiiwa *Tani Onimphenta Susie*? Wala exeeni eni. . .

⁸⁰⁰ Mwaahisuwela etthu emukhumelenle iy’awe *Tani Onimphenta Susie* uwo? Nyuwo othene muhoona nno naanaano mpapheloni mwa ihapari. Okathi hiyo waaryaahu oCasper, Wyoming, yaahikhuma. Nto nsina nawe ti pani? Mulopwan’owo. . . ya yeeyo *Hiyo Ninnimphenta Susie*, wala exeeni mo—exeeni molumwenkuni yaari yeeyo? E. . . Oh, exeeni nyuwo othene munkhalel’anyu owaani Namararu ohiyu ni ohirwa omuthukumanoni wa mavekelo wira moone. Exeeni iyo vano? *Hiyo Ninnimphenta*. . . Nsina naya yeeyo exeeni? [Munna mmosa muthiyana oniira, “*Miyo Kinnimphenta Lucy*.”—Mol.] *Miyo Kinnimphenta Lucy*, iy’awe ntoko. . . onopa mapuro othene, oroovariwa oReno, Nevada, ni mwali mmosa

ooriipa, aakhalaawe ni yoowo mwa miyaakha. Nto ti yeeyo munikhalel'anyu owaani wira mooneke ohiya orowa, wiiwa Ehapari yooreera. Muthiyan'owo aahaakhulela. Oh, ikharari! Khiivo hat'etthu yooloka ota wa Yesu Kristu!

⁸⁰¹ Oreerihwe murim'anyu, munna, miyo—miyo kinimooleelani—nyuwo mulopwana, mmosa wa e... Nyuwo muniira, "Oh, wulu, nkaaweheni atthu." Aмоса-amosa wa—wa amarepo ootepaxa hiyo nrinaahu, anamathola, axipalame ooreera. Khamukhanle omulamulaka mwaapalame mwaha wa mapururu awe, moone. Vano muupuwele yeeyo paahi. Oh, wulu!

⁸⁰² Vano nwehe:

Wala *ephattu*... (eyo ti eversiikulu 14 iyo)... *kheniwiixuttihani*, *wira*, ti yoowuuliha muru mulopwana okhalana maihi oorakama? (Eyo ti ya muthiyana.)

Masi muthiyana okhalana maihi oorakama, etthu yottittimiheya wa yoowo:...

⁸⁰³ Vano owo onihimya exeeni? Exapheyo nyuwo atthu aKatolika munwaraanyu mukereja? Nnakhala vakhani! Etthu yookhuneela yaamukhaani vamuru vanyu, ni nleeso? Owo onihimya maihi anyu!

⁸⁰⁴ Vano! Ni muthiyana amettha maihi awe, owo onthikila nttittimiho nawe, ni khonthuniheriwa waltaari wira avekele. Moone, siiso ntoko ehimaly'aya va, "Eyo etthu yoolimaleleya muthiyana orowa ovekela ohiikhuneenle muru?" Anihimya va, enihimya, "Ahe, owo ohaana omettha maihi awe." Tivo amettheke mputu weeso. "Nto vakhala wira owo onoomettha mputu," ehimnye wira, "ti yoohittittimiheya, ti yoowuuliha muru muthiyana wira yeeyo." Vano kuhimya wira, "Owo aahaana wiikhuneela." Vano, miyo ki paahi—kinsoma epaphelo ya Paulo. Nyuwo othene, eyo ti yawinyu, moone.

Masi muthiyana okhalana maihi oorakama, etthu yottittimiheya wa yoowo: okhala wira maihi awe ovaheriwe wira eranttelihe eveewu.

⁸⁰⁵ Ehimnye wira aarowa ovahiwa exapheyo? Nyuwo aKatolika wala nyuwo maPrustante, khula mmosa, munrowa okereja ni muntthuna owara exapheyo, wira, "Ahe, kinrowa okereja, kaahaana owara exapheyo." Nnari, nyuwo mwaahaana ohiya maihi anyu wunnuwa. Eyo t'evirikanelo. Munnona?

...okhala wira maihi awe ovaheriwe wira eranttelihe eveewu. (Ni ti yoowuuliha muru owo ovolowa mukereja ahiikhuneenle, orowa waltaari ovekela.)

Masi akhala mutthu onthuna okhala—okhala... (nkinkupali wira kinoowerya ohimya nuulumo nlo, o-v-a-n-y-...)... *Ovaanyihya—ovaanyihya* (moosuwela ele

ekhanle ovaanyiha), *hiyo khanlimalenle siiso, hata Ekereja ya Muluku.*

⁸⁰⁶ Vano nyuwo mwatthuna onyakulihana mwaha wa yeeyo, munyakulihane ni Yeeyo. Vaareera, mwaatthunaka ovaanyihana mwaha wa yeeyo, “Oh, eyo khenvirikana hata vakhani. Nrowe naahiye yiireke. Vano, miyo kinoona wira kehiyo hat’etthu. Miyo. . . Kahi ele ekhanle maihi, khula enamuna, t’ile ekhanle murima.” Eyo ekeekhahi; murima wakhalaru saana, maihi anookhala saana (Uh-huh).

⁸⁰⁷ Mwiireke, mwaatthunaka ovaanyihana, Paulo ohimye wira, “Hiyo khanlimalenle siiso, hata Ekereja ya Muluku.” Khwira, “Nyuwo mwatthuna okhala a mpantte wa Kayini, ahe, mukeleleke ooholo.” Masi Ela t’ile Paulo aahimy’awe.

⁸⁰⁸ Oh, ni nkinlakela otheya, okhala wira ola kuhiyo mwaha w’otheya. Masi kinimooleelani apatthani, ti yoowuuliha muru woota moota itthu iya sintthuniheriwaaya wiiriwa. Miyo. . .

⁸⁰⁹ Nwiriyaane! Wa nyuwo, axinn’aka athiyana oophentiwa, kintthuna wira mooneyeke oratteenexa mukhaleke oratteenexa, ti yeeyo murin’anyu okhala. Ti yeeyo murin’anyu okhala. Ni muhaana okhala oosivela ni oophenteya ni sothene ntoko sinweryaanyu aiy’anyu yaarwaaka, siiso ntoko okathi yaary’aya a mposi anyu. Nto nyuwo muhaana okumana ni yaawo vamukhora ni paahi—ni epeeco paahi oosivela w’awo ntoko yaary’aya nihiku mwaapecanryaanyu waltaari wira ekhale aiy’anyu. Eyo ekeekhahi. Nkinoohimyanani mulattu mwaha w’otthunaka wooneya oratta-ene ni okhala oratta-ene. Ni kintthuna wira mukhale siiso, Muluku onnisuwela wira kintthun’aka.

⁸¹⁰ Nno okathi vakhani ovinre, kaalavula ni Jack Shuler. T’ani otonko wiiwa ohimmwa Jack Shuler? Mulaleyi mmosa oosuwelaxiwa aMetotista arinaaya. Owo khwira, “Muthiyana mmosa aarimoorwa khwira. . . maihi othene oottakatta, ni anyamunyaka exuwinka, ni ikuwo sawe nuusu mwa yoowo, khwira, ‘Moosuwela, aiy’aka hata khankivilela-tho.’”

⁸¹¹ Owo khwira, “Miyo nkiniwuulumela.”

⁸¹² Ti yeeyo. Vano, masi etthu murin’anyu wira, muhaana okhala enamuna yooreera. Muhikuxeke ephenteyelo anyu ni oreera oHollywood, mukuxeke mBibiliani, ooholo wa Muluku. Mukhale muhano, mwiireke ntoko muhano, nwareke ntoko muhano, mukhaleke ooloka. Mwiireke ntoko muhano, muhiwareke iyo. . .

⁸¹³ Khula mulopwana onaahiya amwaar’awe okhuma n’uwara itthu iyo sikhaani ooholo w’alopwana, ni itthu iyo sikhaani. . . okhuma othikila malaxi vapuwani, ni itthu siiso, mwenye, kinimooleelani, munna! Miyo nki—nkinthuna okhala ootakhala murima, miyo. . . Muluku onnisuwela wira owo murim’aka. Masi kihaana o. . . Kihaana okhala oorukunuwa vanci-ene kihinatthi waahiya awaka wira. Kinrowa okhala mukhulupale vamwaako

vale ntoko sinwery'aka, moone; ni kaahiweryeke, kinoorowa okhuma-vo. Eyo ekeekhahi.

⁸¹⁴ Oh, munna, eyo ti yoowuliha muru ni otakhaliwa athiyana wiiraka yeeyo. Nto miyo—miyo nkininimya, munna muthiyana... Miyo—miyo nkinoonyoholani, miyo kimphavela ohimya paahi... Ekerej'ahu va kherina mamempuru, atthu animoorwa va paahi. Masi ela empa ya Muluku, ni hiyo voomalela ninnaaleela atthu wira ehiwareke itthu iyo. Eyo ti... nyuwo munoorowa waakhula mwaha wa yeeyo Nihiku na Olamuliwa. Vano nwehe va. Ni muhiye maihi anyu yinnuweke, moone, ni mukhale muhano.

⁸¹⁵ Vano:

Vano mwa yeela ekhanle... Miyo kinoohimeeryaakani nkinoottotopelani, okhala wira khahiyo munthukumanela wira... itthu sooreera, masi itthu sootakhala.

Okhala wira opacerya wene, okathi nyuwo onthukumanaanyu mukereja, kinniiwa wira onnikhala okawanyeya eriyari anyu; ni sikina, ... (eyo ennikela vano vameesa va ekomunyawu)

⁸¹⁶ Vano nwiriyane Yeeyo. Mwaha wa yeeyo malaikha...

⁸¹⁷ Vano, Munna Palmer, miyo nkinoohimeeryani efiita yeela wira nyuwo munlaleya etthu emosaru iwo miyo kinlaleyaaka nno. Masi nyuwo munnisuwela saana ni vooreera, nto nyuwo mury'ene mulaleyi, nyuwo moosuwela wira eyo Ekeekhahi, munna. Vaareera.

⁸¹⁸ Tivo *malaikha* va "atthu." Mwaweha vale, Munna Palmer, eri mwa elepelo yaamukhaani, "malaikha." Ni Bibilia onnikelala ohoolo... Owo onlavula mwaha wa mulopwana ni mwaar'awe, moone, ti yeeyo enihimyaaya.

⁸¹⁹ Ti siiso atthu ankhala'aya ootikinihiwa saana mBibiliani, awo anira, "Ahe, Muluku onihimya etthu emosa *va*, ni emosa..." Nnari, nyuwo—nyuwo munookhuma mwa mwaha. Mukhale ni mwaha yoowo, ti yeeyo tu. Owo onlavula mwaha wa mulopwana n'amwaar'awe.

⁸²⁰ Vano etthu emosa-tho entthun'aka okwannya nihinatthi omaliha, enookikuxa minuutu soophiyaka miili:

74. Atthu oowaarya anrowa okhala vayi nuumala elamulelo ya miyaakha ekonto emosa? Ni muthinto xeeni w'erutthu awo anrowaaya okhalana?

⁸²¹ Kinoona wira eyo ti yookoha yoosivaxa, miyo okisivela eyo. Vano nrowe nilukame yeeyo.

⁸²² Wopaceryani, Muluku... Ninrowa otthikela mwiiixuttiho ahu w'aHeperi minuutu vakhani paahi. Muluku aari ephattuwelo ela, yuulupale ya makhuli mathanu na manli.

Akavi ansuwela yeeyo? Munnona? Ni akavi ansuwela wira Muluku ookhalana Irooho thanu na piili? Vekeekhai, Irooho thanu na piili. Ni yaahikhala maitho mathanu na manli mwa mwaapwittipwitthi, ni sikina, sothene iyo sitakanxanaka vano. Munnona? Vano, owo aari Muluku.

⁸²³ Vano okathi Owo (Logos) yaakhummy'aya wa Muluku, yoowo aari Muluku akhumaka ephattuwelo ela yuulupale akelaka mw'erutthuni ya mukhalelo wa mu—wa mutthu; nto eyo khupaka Logos, yeeyo hiyo enihanaahu teyofaniiya.

⁸²⁴ Vano, nyuwo mwakuxa eteyofaniiya mwaawehaka yeeyo, owo mutthu. Vano, hiyo. . . Vano, eyo ti memmo mwaaryaahu—mo wopaceryani. Vano, nyuwo khamunsuwela saana vano, masi nyuwo mwaari memmo wu wopaceryani siiso. Okathi mutthu ompank'awe. . . Okathi Muluku ompank'awe mutthu ailattanihaka Yoowo, Owo aampanke eteyofaniiya. Nto Owo khimuhela paahi mw'erutthuni. . . Okathi Muluku ompank'awe mutthu ailattanihaka Yoowo, oolikana ni Yoowo, awo yaari. . . Mwa Maphattuwelo 2, yaahikhala. . . ahiiso Maphattuwelo 1:28, kookupali wira ti yeeyo, "Khaakhanle mutthu nlelo wira alimeke etthaya," nto Muluku khumpaka mulopwana ni muthiyana. Ti yeeyo, "Hata mutthu wira alimeke etthaya."

⁸²⁵ Vano Muluku khimuruuha mutthu vathi vakhani khimuhela mwa ekumi y'enama, ekhanle erutthu ila, ntoko axinama paahi wira owo aweryeke olima etthaya, aweryeke okwannya. Eteyofaniiya ele khenikwannya, khenoono, olawiha, woona wunkha, wiiwa; miyoonelo iya hiyo nrin'ahu. Tivo Muluku aahimuhela mutthu vathi vale wira—wira akwannyeke ni woona wii.

⁸²⁶ Ni—ni okathi owo eettaawe aviraviraka omatta wEdeni, wopaceryani ntoko eteyofaniiya (ntoko Erooho Yoowaarya eri mu naanaano yeettaka mu), eyo yeettiherya ekumi ya axinama. Eyo yaaneettiherya sothene, masi khiyaawerya olima etthaya, moone. Tivo Muluku aahimuhela mw'erutthuni wira owo aweryeke olima etthaya. Khunvaha miyoonelo sawe mithanu, wira alimeke etthaya ni oreherya i—imatta sa miri ni—ni siiso, vano nto mutthu nlelo ooneya meekhaawe. Oh, ela elatarato yooreera.

⁸²⁷ Nkawehani, wira okathi owo aapakiwe-awe emaara yoopacerya, owo aapakiwe atthu aili vamosa. Owo aapakiwe oowanli mulopwana ni muthiyana, mutthu t'ari awe. Bibilia ohimye wira aari siiso. Muluku aampanke mutthu oowanli mulopwana ni muthiyana "Owo aahimpattuxa." Nwehe vano, okathi mutthu ovalaanihiwaawe eteyofaniiya khuheliwa mw'erutthuni, owo aari—owo khaari oomalela vo; epantte ya okhala wawe nlelo yaari eteyofaniiya, tivo khiyooneya okhala saana.

⁸²⁸ Yaahivira yoolopwana ni yoothiyana mwa enyompe, yaahivira ekhavalu, ni yaahivira enyompe yoolopwana, ni saahivira itthu sothene sikina, piili. Masi Atamu, owo. . . aari. . . Moone, yaahikhala etthu emosa yaahaleela. Otthuna iwo wunciene waahooniherya wira aahikhala muxirikha aanwehererya owo. Munniiwa? Ni miyuupuwelo imosaru hiyo nrinaahu wira nihaana okhwa nno, ninkhal'ahu ookacamiheya ni oovela-vela, ni nininlel'ahu Ekumi ehirina okhwa, eyo enooniherya wira enoolipelela. Munnona?

⁸²⁹ Nto Atamu aari meekhaawe. Nto Muluku, wira ooniherye wira khivaaweryaneya awo ovalanyiwa. . . Vano kinrowa otthikela etthu emosaru yeela, esekuntu emosa paahi.

⁸³⁰ Nkawehani, Owo khaaronwe khukuxa etthaya khumpaka Hawa, masi Owo aampanke okhuma etthaya yoopacerya, Atamu. Owo aakunxe niparari mpararini mwawe khumpakela namakhaliherya, nto owo aari Hawa. Owo aapattuxeriwe mulopwana, ni epantte ya mulopwana. Owo aari epantte ya yoowo woopaceryani, moopattuxiwani, muteyofaniiyani. Owo aari epantte ya yoowo vathi va moopattuxani mu. Owo khaakhanle okawanyiwaka moopattuxiwani mukina, owo aahaana opakiwa moopattuxani omosaru yoowo.

⁸³¹ Mwaha wa yeeyo vekeekhai Kristu ni Muluku yaarinaaya okhala Mutthu mmosaru, khivaaweryaneya okhala etthu ekina yoovirikana. Owo aakhanle-ru mutthu ooreera murima wala profeta, Owo khaarowa wira okhanle-ene Nvuluxa; Owo aahaana okhala Mpattuxa Mwaneene. Masi Owo nlelo ti eteyofaniiya olelo, nyuwo moone, ni enamuna Owo aary'awe okathi ule.

⁸³² Vano mulopwana mmosa aahirwa va ni owo—owo aari oothamaleya; nto Muluku aahimpenta yoowo, Owo khwira, “Ele ti yooreera, ekhalaseke elapo ya vathi ni ekhaleke vaavale voohimala. Ti yeeyo tu; wa—wa Ehimalelo, ekhalaka ni ekhalaka ni ekhalaka. Sinnuweke paahi, ni khula mwiri wiimeke, n'itthu sothene siiso. Nto mutthu akhaleke, ni inama sikhaleke, ni itthu sothene sikina, wa mahiku othene voohimala. Eri saana.” Munnona?

⁸³³ Vano nto etampi khukela. Ni kintthuna kihimye nuulumo nla. Mu. . . Atthu anci-ene anniira yoovonya eyo yoowoopiha mwa Yoolempwa yeela emosa, nto eyo eri mwa Masalmo 23. Awo ansoma Eyo ntoko sa, “Ayo, hata kaavira mukhatoni *mooriipela* mwa muuttutthi wa mookhwaani.” Vano, khiivo etthu ene eyo. Bibilia khonihimya, wira, “Mw'epiphini wa muuttutthi wa mukhatoni. . . mukhatoni mooriipela wa muuttutthi wa mookhwaani.”

⁸³⁴ Oniira, “Hata kiviraka mukhatoni mwa muuttutthi wa mookhwaani.” Vano, ehinatthi okhala muuttutthi, ehaana okhalana waarya wira okhalihe muuttutthi. Moone, Davidi

ary'ene profeta ni vathi va muttikithelo, owo khaairale etthu yovonyeya, owo aahimyale Ekeekhahi paahi: "Ayo, hata miyo" . . . kahi, ovira mukhatoni *mooriipela*, masi, "kiviraka mukhatoni mwa *miyuuttutthi* sa mookhwaani."

⁸³⁵ Nto nyuwo muhaana okhalana epursento khata ya waarya wira mukhalihe muuttutthi. Nto ti siiso ery'aya va. Hiyo na soopiili s'ephattu ni sa erimu. Erutthu ila ti yoolamuleliwa okhwa, ni eyariwe ni muthiyana; kahi ni hat'etthu masi mwa . . . Kahi ni Muluku, nyuwo mwa ooyariwa a Atamu ni Hawa. Mukhale ooriipa, ootteela, wala etthu p'itthu mukhanly'anyu, nyuwo mwa muhokorokho, mwaana a Atamu ni Hawa. Eyo ennikhaliha erutthu anyu "oyariwa mutampini, opakiwa mwa sootakhala, orwa molumwenkuni moothaka." Nyuwo mwa oolamuliwa ni oohukummwa wopaceryani w'ekumi anyu, hata, oohikhalana mureerelo.

⁸³⁶ Vano, mwaha wo wira erooho murinaanyu erwiiye mwa nyuwo mwaha w'ephattu, ni mwa ephattu mukhumaka moophitaanani wa ekhapa, otthuna wa mulopwana ni muthiyana enimukumiherya mwaana a elapo ya vathi. Nto mmuhiye mwaan'owo meekhaawe, ni muhimwiixuttihe hat'etthu yooreera, owo onoorowa mwa yootakhala. Muhimwiixuttihe hata yooreera ni yootakhala, owo onookuxa ele yootakhala. Okhala wira ti ephattu awe wira etthu iyo.

⁸³⁷ Munwehe ttuutthi mwaamukhaani, oohivikana wunnuwa *siiso*, onikhala oowali saana; owo paahi ono . . . owo—owo onoophunya matat'awe, ni okhala ooxeerya wiitho, ni ottiya iphumu sawe. Vekeekhai. Exeeni iyo? Owo ti ephattu awe. Owo onikuxa mw'atithi awe wala ame awe, mmosa aya; awo yaahikhalana eviruwelo yoophiyerya owanana sarothi, wala atithi awe. Vakhala wira awo khayaarina, apwaapu awe wala apiipi awe yaahikhalana. Moone, osuulu.

⁸³⁸ Vano eyo ennikhaliha . . . Nyuwo muyariwe molumwenkuni. Munoorwa ni ephattu, ni okhala wanyu wothene ti wooriipa ni woonanara, woohukummwa, ni wootakhalihwiwa ni onrowa omooroni. Eyo ekeekhahi!

⁸³⁹ Masi okathi oniyariw'anyu vasya, vano Waarya wa Muluku onimwaarya muhina mwa munepa owo (aleluya) vano khehiyo-tho ekhato yooriipela, masi ti ekhato erina muuttutthi mwa yeeyo. Nyuwo pooti okhala owiipithihiwa va n'erutthu, ni itthu wiitho wahu, masi wookhala Waarya woophiyerya muhina mmo. Nto nihiku nlo Waarya iwo ni epiphi sihaana ovalaana! Nto okathi waarya onaaryaaya, epiphi enoottyawa. Ni hiyo okathi onrowaahu okhala ni Kristu mw'erutthuni mme, epiphi ni okhwa sinoolakaseya, nto hiyo ninkela Moowaaryani mooloka. Avuwihwiye Muluku! Hiyo nri vo; khiivo-tho eretta, khiivo-tho epiphi yootakanihewa ni yeeyo.

840 Naanaano va hiyo nookhalana soopiili eretta ni ohakalala, ni nookhalana ekumi ni ikuru, ni nookhalana *sookhuma* ni *sookela*, ni sa *osulu* ni sa *vathi*, ni ohakalala ni oxanka, siiso. Ahe, owo muuttutthi paahi. Hiyo nookhalana waarya woophiyerya wira nisuwele wira wookhala Waarya iwe; ni nlelo niri mw'erutthuni, mw'ethayi. Masi nihiku nimosa oxa wa Nihiku onimoorwa. Owo p'ukathi nlaikha na mookhwaani nneemel'aya vannawoni v'olili, owo p'ukathi tothoro onihimyaawe wira sothene soomala; nto ela y'ephattu enikhumaaya mwa ele y'erimu, ni waarya ontthikel'aya moWaaryani, ni epiphi entthikela mw'epiphini. Vano ela enkhwa enwaraaya ohikhwa. Owo p'ukathi wuntta nno onwaraaya ohintta. Owo p'ukathi ela enkhwa enwaraaya ehinkhwa, ni hiyo ninviraahu okhuma yoopattuxiwa ya okathi nikelaka yoopattuxiwa ya Ohimala. Nyuwo khamukhanle orowa iwe ni epiphi voomalela, nyuwo muhaana okhalana waarya mw'epiphini. Eyo eri vo. Eyo ti erutthu iyo nyuwo munaakhel'anyu.

841 Hiyo nniira exeenii? Ahe, munn'aka oophentiwa oowaarya, munn'aka muthiyana oophentiwa oowaarya, ohinatthi opattuxiwa olumwenku, okathi Muluku oopattunx'aweni oolattana ni Yoowo, ahiiso aamupattunxaawe mu—mulopwana ailattanihaka Yoowo, ni khumpattuxa muthiyana oolattana ni mulopwana wa ntiitimiho na mulopwana, Owo oopankeni eteyofaniiya. Ntoko Yoowo paahi, okathi Owo iirenlyaawe “nrowe” soopattuxiwa Owo aapattuxaly'awe, “nrowe nimpake mutthu oolattana ni Hiyo, oolikana ni Hiyo, eteyofaniiya.” Muluku aaira ahinatthi okhala erutthu nlelo, Owo aari muteyofaniiyani.

842 Nto Moise aahimoona Owo. Moise aahikhuwela, “Pwiya, mukihye kiwooneni Nyuwo.”

843 Owo khwira, “Murowe iwe mwaipithe vamwala, mmutharini.” Nto Moise aahikela mmutharini memmo; nto okathi Muluku aaviraawe, overunya ni itari... Nto okathi Muluku aaviraawe, Owo aarina ottuli Wawe woorukunuwa so.

Nto Moise khwira, “Waari ottuli wa Mutthu.” Aleluya!

844 T'ani aari Yoowo? Melikhiseteki aakhurunwe, Mwene a oSalemi, oohikhalana tiithi wala maama, hata opacerya wa mahiku wala emalelo y'ekumi. Ti Yoowo! Nto Owo aahikhuruwa. Owo ti Ole aalavunle ni Abrahamu; aamutakanxenrye Owo erutthu ekhaani y'ethayi siiso, nto “Whish!” khwiiseelela, khukela memmo, khukhuruwa khimukhuura mwaanyompe, khiwurya eleethi ya enyompe, khulya manteeka ni mukatthe wa nakhuwo. Ni Malaikha maili.

845 Nto vakhumansaaya iwe, ni itthu sothene iyo paahi, “Wish!” yaahilakaseya khurwasa.

⁸⁴⁶ Miyo nkinatoko wuupuwela yeeyo. Nno woohikhala khalayi, kihelelaka ecupu ya kapwitthi, kaarina kapwitthi .22, ti .220 Swift. Ni nyuwo axinna munisuwela ekapwitthi mu munnisuwela. Epholovolo yaamukhaani, enlemela milikaraama ikonto tthaaru ni emiya ni muloko, yoophiyaka ntoko so orakama waya, epholovolo yoolimaleleya .22. Eniheleliwa mukaamarani a ikuru sa .30-06. Vano miyo...Ekaafirika enihela eyo paahi wa waakuva wa inawu ikonto xexe ni imiya xexe wa khula esekuntu. Vaareera, masi nyuwo pooti ohela yoophiyerya...ohelela mmansinyu, ni munoowerya ohelela mpakha inawu ikonto thanu wa khula esekuntu. Ni—ni vaahikhale siiso, vaakhanle wira mwaamooapa...Hiyo naamooapa, nihiku nikina, wa imeeturu emiya emosa ni miloko mithanu na miraru ni miili, nto epholovolo yaamana vathi, yaanvava kapwitthi ahinatthi hata oruma namalwe. Ti siiso enaakuvaaya.

⁸⁴⁷ Vano mukuxe nikoko na niino (moosuwela, epantte yoowaataleleya ya nikoko) nto nvare oka anyu mphiyerye etthu ile yoosareya oka, ntoko milikaraama imiya piili ni miloko mithanu ni imiya tthaaru sikhaani, muhele vasulu vaya vale, vano nto muhele epholovolo anyu memmo. Mweemele va, nto nyuwo munookhalana epholovolo mmatatani mwanyu mwa esekuntu emosa. Nto koopela epila mphwanyanya imeeturu miloko mithanu ni mmosa wa nyuwo, nto epila eyo hata khayiittikinnye. Epholovolo entthikela mukhalelo aya woopacerya, otthikela okhala ikaaxi. Va eri epholovolo ekhanle ekhoopiri ni ecumpwi yootakanxiwa vamosa, nto woohiphya esekuntu emosa, enoottika mpakha muhinrowaanyu ophwanya-tho. Eyo etthikenle ntoko yaary'aya miyaakha ipilyawu emiya khalayi, entthikela okhala ikaaxi. Ikaaxi iyo sihaana opakeya ni otthikela okhala ekhoopiri ni ecumpwi, ni sikina, siiso. Ikaaxi iyo sihaana wiikhaliha.

⁸⁴⁸ Vano, eyo eri vo. Eyo t'inamuna hiyo nryaahu nno, hiyo nnoorwa nikhumaka mwa ookhala muulupalexa. Wopaceryani hiyo naari mwa elatarato ya Muluku. Ettiyelelo ni epiphi enninikhootiha osuwela eyo vano. Masi Yesu aahaahimeerya awiixutti Awe wira "Owo aari ni yaawo ohinatthi opattuxiwa olumwenku." Munnona? Hiyo naari! Nyuwo khamunwerya osuwela vano, masi mwaari wopaceryani. "Nto emp'ela ya vathi va yakurumuwa vale, nookhalana ekina ennilipelela!" Aleluya! Nto vo ninkela muteyofaniiyani mu, memmo naatonko ahu okhala-mo, wira niwerye olya ni ovahana matata. Ni minepa vathi v'altaari sinnikhuwela, "Mpakha liini, Pwiya?"

⁸⁴⁹ Aakhala mavalo mathanu na manli anrowa wa Muluku, wa Iroho thanu na piili ntoko—ntoko Eyo enkuruwaaya. Vaareera, mwaarowaka vathi v'altaari a Muluku, awo yaamukhuwela, "Pwiya, mpakha liini? Ninoowerya otthika, vathi va?"

⁸⁵⁰ Muluku ohimnye wira, "Okathi vakhani paahi, mpakha

axaapar'anyu ohaawa etthu emosaru nyuwo muhaawaly'anyu." Munnona?

⁸⁵¹ Vano nto minepa iyo sinoothika, ni sinookhala-tho alopwana ni athiyana, ni okhala voohimala okathi epiphi yothehe ni okhwa ni eretta ni mixankiho sa ewiriphi simmalamal'aya; khuuvo-tho muuttutthi, waarya wa nsuwa voomalela!

⁸⁵² Nwiriyaane. Va ti yeeyo. Muhiye okhale wooriipelaxa ntoko sintthun'aya; khonwerya okhala wooriipelaxa mpakha nsuwa onyaanyasa epiphi yothehe. Epiphi ni waarya khasinwerya okhala vamosa. Maana e...T'evi ekhanle yooweryaxa? Ti waarya. Nto waarya waaryaka, epiphi enootheryawa. Amen. Khamuntteeliwa murima? Khamunthapa osuwelaka? Vekeekhai, khuuvo muuttutthi hata nipuro. Masi Waarya nno wooreerihwa ori mmurimani mwahu naanaano va, etthu emosa entthikela okhalela onamoona: Mwaana a Muluku, owerya wa Muluku.

⁸⁵³ Nto hiyo nineetta nno, ninniweha owerya wa Erooho Yoowaarya okhuruwa n'ukela vamuthukumanoni, ni wira, "Nyuwo mwa Muhano *Lexe ni lexe*, wira muhiira etthu *khata*, nipuro *khata*. Munniwereiwa ela mwa okathi *munci-ene*, masi SIISO ANIHIMYA T'APWIYA, 'Nvenye mweemele, nyuwo moovona." Ni oorakala n'ale oohoona anoovenya khweemela. Nto eruku ya mutthu, elyiwe ni kankuru, ovenya-tho mwa ekumi ni ikuru isya.

⁸⁵⁴ Khokhanle ohoverya, Yesu ohimye wira, "Itthu iya Miyo sinvar'aka, nyuwo munoovara nave." Ni Owo oohimya, "Miyo nkinvara etthu mpakha Atithi okooniherya."

⁸⁵⁵ Exeeni iyo? Iwo Waarya onrwa wiitakanxaka mw'epiphini mu, moone, wira onivuluxe. Munniiwa enihimy'aka?

⁸⁵⁶ Vano, nihiku nlo onoothikela iwe, vano nto okathi eteyofaniiya enkhal'aya-tho erutthu ehinkhwa ntoko yaary'aya wopaceryani, vano Yesu onimoorwa, ni Muluku...okathi Kristu onrowaawe okhala mmosaru. Kristu onrowa okilaathi Veehicensi, nto atthu othene anrowa okhala omutthu. Kristu onrowa okhala veehicensi va Davidi, Mutthu, Pwiya Yesu; wira ahikhwe-tho. Hiyo khaninrowa-tho okhwa, khaninkhalakhala-tho niwereiwaka, khaninkhalana-tho mixankiho, ni ninrowa okhala miyaakha ekonto emosa.

⁸⁵⁷ Nto okathi miyaakha ekonto simmal'aya mulaponi mu, vano xetwani onooovenya; ni ohihimuwa wa nenli onimoorwa, ohihimuwa w'ale ootakhala. Awo anookhala muttithi muulupale w'anakhotto ntoko mithaaka sa mphareya, nto animoorwa wira ekuttelele muttethe w'atthu oowaarya, nto vaniiraneyaaya, Muluku onoorupihwa epula ya mooro ni esoofiri okhuma wirimu khwaapwetexa.

858 Ni Yohani oohimya, “Miyo kaahoona erimu esya ni elapo esya, maana erimu yoopacerya ni elapo yoopacerya saahivira, ni khiyaakhanle-tho ephareya. Nto miyo, Yohani, kaahoona Muttetthe Woowaarya, oYerusalemu wa Naanaano, okhuruwaka wa Muluku a Wirimu woophapiweene ntoko muthiyana onrowa otheliwa oophwanelihiwa arowaka wa iy’awe.” Eyo eri vo.

859 Vale owo iirale, “Mwaara...Mwaapwittipwitthi ni Mwaakameliwa anookhala weiwo voohimala.” Enookhala elapo esya, ya imiilya imilyawu n’imilyawu sene soowaataleleya. Oh, wulu. Muttetthe, miphimo sa Bibilia sa Muttetthe ti imiilya Ekonto emosa ni imiya thanu soowaataleleya. Ti sa imiilya ekonto emosa ni imiya thanu orakama waya, imiilya ekonto emosa ni imiya thanu otaphuwa waya, ni imiilya ekonto emosa ni imiya thanu ottukhuwa waya. Iwo p’uhimya woolikana Bibilia onivahaawe wa Muttetthe. Khivanxankiha ohikhala-tho ephareya, khiwaakhanle opuro wa yeeyo.

860 Oh, onookhala oreera! Nto memmo, yookhala ephattuwelo Veehiceni vene va Muluku, enkhwalala ohoolo w’Ehice. Wookhala mwiri mmosa epantte emosa n’ekina wa mwiri...wa muro w’Ekumi. Nto mmwirini mu sinkhala mithinto muloko ni miili sa mihokorokho, siniima mihokorokho saya khula mweeri.

861 Vo t’ari mahumu miloko miili ni maxexe. Vo ti vari Mwaakameliwa. Vo ti vari ikonto miloko mixexe n’atthu ikonto xexe, alipa-oohuliwa a mpaani m’olompa. Oh munna, hiyo ninrowa nipuro nlo! Itthu sinnoonilipelela. Xexe...Mahumu miloko miili ni maxexe. Alipa-oohuliwa ikonto emiya ni ikonto miloko mixexe ni ikonto xexe. Mwaakameliwa okilante-ene ni Kristu. Wulu, nyuwo munnilavula...Ethhoko Aka, Ethhoko yooreera! Amen.

862 Wuupuwela wira kookhalana oreeriwa w’orowa weiwo, ni nyuwo mookhalana oreeriwa w’orowa weiwo. Nto mwaha wa xeeni nyuwo mwaarow’anyu othanla weetta mw’epiphini mu ni ohoona hata Waarya, n’ukhwa n’urowa mw’evitikavitika ni ohikhala etthu? Okhala wira okathi Waarya onikux’aya okhulupale aya woomalela, khanivo hata nipuro na epiphi. Murowe musuwele nipuro epiphi eronwaaya okathi waarya onrwaaya. Eyo p’inamuna enkhal’aya, okathi itthu sothene sintthikel’aya wa Muluku. Yaahikhalana, epiphi yaahikhalana epacerelo, epiphi yookhalana emalelo. Waarya khonakhalaneke epacerelo ni khonakhalaneke emalelo. Muluku khonakhalaneke epacerelo nnakhala khorina emalelo. Tivo, nihiku nlo, olumwenku wothene woohononeya ni etampi aya yothene ni oreera waya, yeeyo eniihaniwa siiso, ni ithiru saya sothene ni miyoonelo saya, ni ettettekhelelo aya yothene ni itthu sothene sinrowaaya ohikhala etthu, ni sihinrowaaya okhala-tho. Khenrowa-tho okhala, nnakhala wuupuwela! Ehimnye wira, hata, “Khenrowa wuupuweliwa-tho.”

⁸⁶³ Masi ale ooreerihwiwa a Apwiya okathi wothene anookhala ni Yaawo. Ninrowa okhalana erutthu ntoko erutthu Aya Yaawo yoovuwihwiwa; ni okhala ni Yaawo, ni olya ni Yaawo, ni okilaathi ni Yaawo, ni okhala ni Yaawo voohimala ni voohimala ni mwa okathi woohaalakeya; ni okathi Ohinimala sinoovira ni olumwenku woohikhalana emalelo.

⁸⁶⁴ Ni nyuwo mookhalana othanla ohiy'ula. Mwaahikhale oolikana wira mphwanye nipuro nle, khivancala moota xeeni munrowaanyu okereja, moota xeeni mukhanly'anyu mumpuru ooreera murima, moopweteya mpakha Kristu oovaheni Ekumi esya mw'epiphini mmo muneett'anyu-mo. Nyuwo pooti okhala natiini. Anatiini, nwiriyane, apatthani, etiini ti y'othokelela. Munnona? Aana othene a Kayini okathi wothene yaanikhalana etiini. Ayuta ale yaahikhalana etiini okathi Yesu oruuly'awe, masi awo yaahikhootta woopowa.

⁸⁶⁵ Nyuwo pooti okhala natiini saana ohiy'ula. Nyuwo pooti okhala Prespiteriyaano, Mmetotista, muPentekosite, Nasareno, Anawetta a Osantu. Nyuwo pooti okhala natiini paahi; orowa okereja wanyu n'uhimya onamoona, nyuwo pooti wiipa ni okhwelela ni waattotopela Apwiya, nyuwo pooti oruuha sa namuloko sanyu okereja, nyuwo pooti omwiirela saana namwaattamanani anyu, eyo kherina naata n'ikiseryo anyu Ehinimala. Kayini aahiira sothene iyo. Voomalela.

⁸⁶⁶ Bibilia ohimme wira "etriku ni nthakathaka saarwa hoothe." Etriku yaamukhaani ya khalayi yaahikilaathi, evoliwaka ntthona n'epula, ni mi—miiwa ti siiso. Vanrwaaya epula, miiwa sinnitthapa saana waakhela epula ntoko etriku siryaaya. "Masi, ni mihokorokho saya, nyuwo munimwaasuwela."

Vano nrowe nivekele mutthokelelaka mihokorokho sanyu:

⁸⁶⁷ Vano, Muluku Tithi, sinnikhala sookoha kamosa-kamosa soolipa va ohiy'ula. Pooti kihirale etthu yooreera, masi voolokavo w'osuwela waka; Nyuwo munnisuwela murim'aka. Miyo kinvekela, Muluku, wira Nyuwo mwaakhele. Nto vano, khino, mwa sookoha iya kamosa-kamosa, vakhala wira nkikhalinhe oratteene, vano Nyuwo munnilavula ni murima w'atthu, ni Nyuwo munnikhaliha nipuro iyo saatthuneyaaya okhala. Miyo kinnoona wira Nyuwo murookileela. Masi vakhala wira vaamuweryaneya miyo ovonya, vano Nyuwo mukilevelele.

⁸⁶⁸ Nto miyo kinvekela, Muluku, wira khula mmosa w'ala ekuxe itthu iya mmurimani mwaya, ni wira etthokelele seiyo ni yuupuwele ntoko sa, "Ayo, yookhala ekereja, sookhala itthu iya. Ti yeeyo Bibilia ohimmy'awe."

⁸⁶⁹ Khino axithiyana, Pwiya, Nyuwo moosuwela wira nkaahimya etthu ya mmansaka mwaha wo waaleela. Masi, Muluku, miyo—miyo kinnaaphenta axinn'aka athiyana, ni Nyuwo moosuwela eyo, Tithi. Nyuwo munnisuwela moota oniwuupuwel'aka. Masi weemela ni waaleela etthu yoovonyeya,

kaamukhala na—namawoka w'awo. Nkintthuna okhala namawoka wa axinn'aka, athiyana kintthuna kaaleele Ekeekhai. Nto, Muluku, miyo kinikuxa Eyo okhuma mwa Masu Anyu.

⁸⁷⁰ Nto vano miyo nkinaapwapwela axinn'aka alopwana, masi, Pwiya, miyo kinihimya wira awo annivonya yaatthuniheryaka itthu iya. Ni vakhala wira ahano yaanisuwela voovirikana nto khunarowa ni wira, vano eyo ti yawaya, pastore kahi t'otthenke.

⁸⁷¹ Abba Atithi, itthu iyo ti Masu Anyu, ni awo t'Awinyu. Vano Nyuwo lavulani ni mirima s'atthu. Miyo kinaavahererya othene wa Nyuwo. Miyo kinimoona etthu Nyuwo mwiiraly'anyu, Tithi; Nyuwo moosuwela. Mulavule ni khula murima. Hiyo ninvekela mwa Nsina na Kristu.

Ni miru sahu sowuurama:

⁸⁷² Kaatthuna kisuwele sinto aamukhala mutthu onvenxa ntata, wira, "Munna Branham, mukuupuwele paahi wira kiwerye okhala ooxintta voomalela, ni nihiku nookiserya kiware ekuwo ya woothelani ni kikhale ni Kristu." Munnitthuna ovenxa ntata, mwiire, "Mukivekelele"?

⁸⁷³ Atthu othene mukhale ni muru anyu woowuurama vano, muurame paahi. Muluku ooreeriheni, ti yooreera. Vo, Muluku ooreeriheni, axinn'aka athiyana; ni axinna aka alopwana, nave, munvenxa matata. Eyo ti yoorera.

⁸⁷⁴ Vano, Tithi, Nyuwo munnoona matata aya. (Miyo koosuwela, imaara sikina nyuwo munuupuwela wira, "Ahe, nivekelo naamukhaani siiso?") Muluku, kinimuupuwela mai ule, aahimyale nsana, "Nivekelo naamukhaani paahi iwe owannyawe nihiku nle okathi mmirav'ole aakhwaawe, isumana tthaaru wira akhale mukumi, kankuru ule moottoporoni, nto vano orukunxa itthu."

⁸⁷⁵ Kinimuupuwela Esekiya, ophiteerinhe-ene ethoni awe vaxirini, ni anlaka, "Pwiya, miyo kinnoovekelani Nyuwo, mukimorele ikharari. Mukuupuwele, okhala wira kinneettaka ohoolo Wanyu ni murima wooloka." Eyo yaahirukunuwa okhuma okhwa khukela mw'ekumini.

⁸⁷⁶ Okhuwela omosa wa Mwaana a Muluku, "Lasaro, mukhumele ota!" vano mulopwana aakhwiye aahihihimuwa.

⁸⁷⁷ O Muluku, Nyuwo muhimmye wira, "Mulavule, nvekele, nto munoovahiwa. Mwaahimyaka etthu, mwaamini wira enihimy'anyu enimwiiraneya, munimwaakhela ele enihimy'anyu."

⁸⁷⁸ Vano, Tithi, miyo kinvekela wira khula mutthu ovenxale ntata aakhele etthu awo avenxenryaaya matata. Ni wira awo ereerihawe. Nto Muluku, kinvekela wira Nyuwo mwaakhaliherye axinn'ihu athiyana, wira awo ekhale...mwaatthuniherye yiiseettiheke oratta-ene wira Satana mwaha wa etelevisawu ni irevista sa *Ihantisi S'ekeekhai* ni sikina, sinrumeeliwaka

voohikasooapa, ni iporokaraama soohikhottihiwa, moota soonanara ni soohisuluheya mutelevisawuni ni sikina, seiyo saarowa. . . Saaweryaneya okhala ekaruma wira siruue minepa imilyawu wa Nyuwo, masi moota sihinkhal'aya sookhoottihiwa, ni sinkumiheryaaya itthu iya sothene soonanara awo. . . Oh, yoowooniha othunku! Ni osuwela wira erooho ya xetwani yookela-mo ni enaarukurerya axinn'ihu athiyana, ni aneererya owiiriha awo otakiherya ni owara siiso.

⁸⁷⁹ Ni ninnoona wira mu. . . mwa axinn'ihu alopwana, nave, Pwiya, moota anuupuwel'aya wira anoowerya onvura sikaro ni owurya, ni wira itthu siiso, nave nlelo okhala aKristu okhala wira awo anihimya wira "annaamini." Mwaahiye esuwele wira "xetwani onnaamini, nave." Ni owo khooponwe, "owo onnaamini ni onnithukumela."

⁸⁸⁰ Nto vano, Tithi, hiyo ninvekela wira Nyuwo munimorele ikharari hiyo othene, ni munilevelele itampi sahu, ni khino atthu kamosa-kamosa khavenxale matata, O Muluku, mmoriwe ikharari. Okathi woottharelana awo arin'aya, evenxe matata.

⁸⁸¹ Hiyo niniitthokiherya waakhela ekomunyawu, Pwiya. Munilevelele soottheke sahu ni makhalelo ahu a khalayi. Ni wira naakhele eparakha Anyu, vano hiyo ninvekela mwa Nsina na Kristu. Amen.

⁸⁸² Apwiya yooreeriheni. Kileveleliwe woopisihani siisa. Kaatthuna kisuwele paahi, okathi vakhani paahi ehinatthi ekomunyawu, vakhala wira ookhala orwiye wira avekeleliwe, aatthuna ovekeleliwa, ahe, naamutteeliwa murima wira yeeyo okathi ene yoola, aakhanle-ene mutthu wira avekeleliwe.

⁸⁸³ Vaareera, munna, mmuruuhe osulu nno, enookhala saana. Nto okathi vakhani paahi, vano nto ninrowa o—ninrowa olaxerya. Vano nto nalaxerya vale, nto ale anthuna ohala mwaha wa ekomunyawu, ehaleke. Masi naanaano va ninrowa ovahererya mavekelo w'aretta. Bibilia ohimnye exeeni?

⁸⁸⁴ Munna aahiweryeke ovenya. . . Khiva mulattu, mmuhiye akilaathi vaavo, hiyo nnimoorwa wa yoowo. Vaareera, mmuhiye akilaathi vaavo paahi. Nto hiyo ninookhuruwa ninvekelele. Eri saana. Vaareera, mulopwana, mmuhiye—mmuhiye owo akilaathi vaavo. Ti yoolipa wa owo weemela va, vano, hiyo nnootteeliwa murima orwa wa yoowo.

⁸⁸⁵ Vano kintthuna kihimye ela vakhani, mpatthani aka oophentiwa. Moone, miyo—miyo koosuwela wira Apwiya ahooniherya ela emaara emosa n'ekina ni imaara sinci-ene. Munnona? Miyo nkikhalanxe mulaleyi, nkisomme ni sikina. Miyo kinnimpenta Pwiya Yesu, Muluku onnisuwela wira kinnimpenta Owo. Masi etthu emosa kiihaneliwaaka wira kiire, waavekelela aretta. Munnaamini yeeyo? Hata kihinatthi osuwela ya yoovaha, kaanirowaka nno oxipiritali; ni kinniwuupuwela manfurumeera ale yiraka, "Vano munoorowa okhala akumi."

Munnona? Nto etthu emosa paahi, wira Muluku onnikhalaka ooreera nurima wira attittimihe mavekelo aka w'atthu.

⁸⁸⁶ Miyo kinnitthokelela, ohiy'ula, waakhanle wiihana, muhupi mmosa wa molumwenkuni mapuro othene mulaponi. Ni wira, atthu othene Munna Branham aavekelenly'awe, erwe nno, kaatthuna wira nyuwo mmwaakhule kuveerunu a Estadu Unidu, ni epaphelo. Ni owo waakhanle muhupi molumwenkuni mothene. Kinoona wira, khino atthu imilyawu xexe wala thanu yaamwaakhula wiihaniwa iwo waakhanle wira waahisuweliwa. Munnona?

⁸⁸⁷ Nto atthu awo, wala akina aya yaairale akhwiye-ene, oosuveliwiwa ni tothoro, ni—ni alipa a miteko s'ovitha. Akina aya akhwiye-ene muhasarani; akina aya akhwiye-ene okhwa w'ephattu. Akina ary'ene oohoona, ootuthunya, oorakala, ooripithuwa, ookacamiheya, mmuupuweloni... mmaxipiritaalini, ehisuwelaka wira hiyo naari oxipiritali wira naavekelele. Waaruuha mu, okhala oowaakuxa. Awo yaawanela ephiro aya yiithikilaka kapatti-kapatti, hata ehisuwelaka nipuro xeeni varyaaya. Muhina mwa minuutu mithanu, khukhala atthu oolikana, oomaala, oophenteya, ni akumi mahiku aya othene. Munnona?

⁸⁸⁸ Ti... Exeeni iyo? Kahi Munna Branham. Ti Yesu Kristu, Owo oookiruma wira kaavekeleleke aretta. Vano etthu ene t'ila. Khenkhalaka ya ephwanyeryo vanci-ene oJeffersonville, okhala wira, mwaha wa ela. Vano, kintthuna wira musuwele wira kookhalana apatthani a vakhiviruxa ni ootepaxa oreera mu epooma yeela. Enamwi epooma-ene yeeyo, mukhalelo wa epooma, ohikisivelaka. Khenkisivela ekhalelo ela, ni khenakisiveleke; okathi waary'aka mwammiravo, kikilanthene, kisomaka iliivuru saka sa ihantisi, miyo kiirale, "Nihiku nlo kinookhuma mu." Munnona?

⁸⁸⁹ Khonkisivela Jeffersonville, nla nttapo, ori nno. Nla nttapo n'eekeekhai tu, ni—ni ti yootakhala. Murowe nno vasulu va Spickert Knobs wala nipuro nimosa, nto nwehe oNew Albany ni oJeffersonville, mwatthuna vale wona. Nwehe nno, matothoro hata anoohimya vano, wira, "Atthu a ekhato ela anikhala oowaathowa ephome mwaha wa moota okhanlyaaya."

⁸⁹⁰ Mwaamuthiyana mmosa osulu nno, Muhano Morgan, ovonihiwe kankuru, aahimuroiha mwalapwa awe oklinika nno, oona wira aarina ovele. Moosuwela yaari exeeni? Itathela sa ekaafirika Colgate ni itthu mmalaxini owo aavinry'awe-mo. Nlo nipuro nootepa ohikhala ekumi.

⁸⁹¹ Mmiravo mmosa aari mmuttitthini w'Anatoropa, aahirowa nno khukhalana... Owo aarina mafuwa. Khurowa nno oFlorida nto maitho awe khukhala ooriipa saana, vano owo khimurwela tothoro, nto owo khwira, "Tothoro..."

892 Tothoro khwira, “Vano, nyuwo mwaawana ekhotto, kahi siiso?”

893 Owo khwira, “Nnari, mulopwana, nkaawana.”

894 Mwaatthunaka osuwela t’ani, nsina nawe ti Herby. Vano, kawerya-ru paahi wuupuwela . . . Ti—ti Union National Bank, oNew Albany, owo ti kaaxa. Murowe iwe paahi musuwele t’ani oniiriwa “Herby,” mmukohe.

895 Nto owo khwira . . . Owo khurowa, owo khwira, “Tothoro,” owo khwira, “Miyo kirina nikusaku.”

896 Vano owo aahimmwaleya, khwira, “Ti yeeyo.” Owo khwira, “Koono wira mwaawana ekhotto.” Khwira, “Mmiravo, munkhala woowi?”

897 Owo khwira, “Nyuwo pooti muhisuwelaka nipuro nene,” khwira, “Miyo kinkhala epooma emosa yaamukhaani okhopela wa oLouisville, Kentucky, enihaniwa New Albany, Indiana.”

898 Khwira, “Muntthuna okileela wira mphwannye nikusaku mwaha wa maasi ala a maakha nno oMiami, murwaaka?” Khwira, “Mwaawerya okhala oJeffersonville, Indiana, wala New Albany, Indiana, nyuwo munoowerya okhala nipuro pi nipuro mulaponi anakhotto a Estadu Unidu yaarowaaya woorumani-wo.” Ti yeeyo tu. Munnona?

899 Nlo nipuro nootepaxa ohikhala ekumi nikhlanle molumwenkuni, kinsuwel’aka, voohikhala wira naarowa okhala nttapo na ettekuxa. Munnona? Nto miyo—miyo—miyo—miyo kihaana apatthani va.

900 Nkawehani va, miyo kinniwerya orowa owihana paahi siisa sa. Nkanweheni Dr. Sam Adair, mpatthani aka. Vaareera, ookhala Mike Egan, okilante vale. Oh, wulu, akavi kaakhanly’aka waaromolaka! Imiya sene a apatthani ooreera murima saana, apatthani a mmurimani, yaawo kimpatthanan’aka . . . Hata wira apatthani akavi a naanaano kinaaphwanyaaka, khiivo etthu enrowa okuxa opuro wa mpatthani a khalayi. Nyuwo moosuwela eyo.

901 Aakhala ame aka atokweene akilante ottuli iwe, kharina mahiku manci-ene a mulaponi, awo ari mwa miloko saya mithanu na mosa vano. Aakhala amam’aya amwaar’aka, miloko mithanu na miili, anrowa miloko mithanu na miili ni mmosa; akilante ottuli nno nipuro nlo, woona waka, ohiy’ula. Nto vale, waahiya. Atithi aka avithiwe nno; amwaar’aka avithiwe nno oWalnut Ridge; mwan’aka ovithiwe iwe. Munnoona enihimy’aka?

902 Miyo—miyo—miyo khenkisivela . . . Miyo—miyo—miyo—miyo nkinthuna okhala wenna, ni kookupali wira naanaano, naanaanoxa, kinoorowa okhala ookhuma. Moone, okhala wira ennikirweelaka, miyo kinihimya ela vapulpitu ni Bibilia aka, voohihererya.

903 Okathi waahimenry'aka amwaar'aka, okathi waavahiwaahu musurukhu w'otekela emp'ele ya mukukhula yeeyo kivahaly'aka ekerej'ela . . . Ekerej'ela t'eri mwaneene emp'eyo ya mukukhula; mukhuruwele nno, musuwele yaahikhale yeeyo. Moone, nkaarowa otthuna eyo mmansaka.

904 Vano, okathi kaarowaaka oteka iwe, Meda iirale, "Kintthuna kihale weno mwaha w'ame aka."

905 Miyo khwira, "Oophentiwa, vekeekhai nairaru siiso, ninimwiiniwa murima mwaha wa yeeyo. Moone, khenrowa ovara etthu tu. Muluku ohimye wira, 'Mwiivalaanye,' kihaana wira."

906 Nto khwira, "Ahe, ame aka!"

907 Miyo khwira, "Ame aka, nave. 'Masi ole ohinaahiya ale awawe, wira akithhareke Miyo, khomphwanela wiitthaniwa Awaka.' Nto eyo ekeekhaii."

908 Nihiku nlo, vahilekenle, kinoona wira kinoorowa okhala oothaama, eyo ti wii, orowa. Masi mwaha wa yeeyo, mithukumano sihinvaraaya muteko nno. Khenrowa ovar'etthu ntoko siniir'aya khula nipuro nikina, ni khula mutthu otongo okhala vamuthukumanoni onnisuwela wira eyo ekeekhaii, okhala wira ti weno elapo aka oyariwaaka. Ti yeeyo.

909 Yesu aahihimya etthu emosaru okathi Owo aarwiiy'awe.

910 Awo yiirale, "T'ani mutth'ula? Owo kahi mwaana a kalapinteero nno? Exikola xeeni owo otongo awe orowa-wo? Ophwanyale vayi wiixutta nno? Vano mukihye kiwooneni mpakaka . . . Nyuwo muhimye wira moopaka miiriirya nno, mukihye kiwooneni mpakaka etthu emosaru nno. Etthu mwiiraly'anyu oKafarnawu, mukihye kiwooneni mwiiraka nno."

911 Yesu khwira . . . "Owo aahitikinihiwa mwaha wo ohaamini waya." Owo khurukunuwa khwira, "Vekeekhai, vekeekhai, kinooleelani wira, profeta khonkhala oohitthuveliwa vahikhanle wira ori eriyari y'atthu awe elapo awe." Eyo ekeekhaii?

912 Ni hiyo noosuwela . . . nkanweheni . . . Mmukuxe Finney, mmukuxe Sankey, Moody; mmukuxe John Wesley, khanaweryaseke ottottela muraarelo, moone, mpakha owo okhuma elapo awe. Nkanweheni—nkanweheni—mu—Moody. Okathi Moody, namattottha ixapattho a oBoston, khaawerya wira etthu nnakhala, owo khurwa oChicago ohinatthi okhala oosuweliwa. Munnona? Owo aahaana wiivalaanya n'ale awawe. Nyuwo okathi wothene muhaana wira yeeyo.

913 Masi vano, va, Muluku onimwaakhula mavekelo mwaliyalaru wira ti William Branham (Munnona?), nyuwo mwaliyalaru wira ti William Branham orina naata ni yeeyo, owo t'ule eemenle paahi ni woovekelelani. Ti Yesu Kristu yoowo iirale ele nyuwo munvekel'anyu wira aire, nyuwo mwaaminiru paahi.

Munnona? Kehiyo etthu yo wira . . . Miyo nkirina naata n'iyu, okhalela onamoona paahi. Masi okhalaka wira kinnuwenne-ene wenna ni nyuwo, ni nyuwo munnisuwela khula ottettheya kirin'aka, ni khula yoovonya kirin'aka . . . Ni nyuwo moosuwela etthu Muluku iiraly'awe, muttetthe yoola.

⁹¹⁴ Muttetthe ola, nihiku na olamuliwa, onoorowa waakhula ehisapo yuulupale nihiku nlo, maana sinnikhalaka myaha s'ovonihwiwa imiya ni imiya sene suululupale vaava va (Eyo ekeekhaii.), vaava. Ithoonnyeryo ni mitikiniho, ni okhumelela wa Nlaikha ohitto iwe, ni ipaphelo sa ihapari soolaleerya ni sothene, nto nlelo athu khani . . . Mwaha wa xeeni iyo?

⁹¹⁵ Vano nihiku nlo, kinoorowa okhuma va. Miyo kinniikoha: "T'evi enrowa okhala emalelo aka? Yoomala? Ehanle ophiya? Miyo kirina miyaakha miloko mixexe ni mithanu na miraru. Ehanle omala?" Kinniikoha yeela. Vakhala wira ti . . .

⁹¹⁶ Nkawehani, olumwenku ohisuwelenle-ni elatarato ele vale? Xeeni awo ahivarenly'aya eyo naanaanoru? Xeeni awo ohivaraka itthu iya sikina? Xeeni awo ohivaraka ilaleeryo iya ni itthu? Moosuwela, khanwerya wira yeeyo vano, masi nihiku nimosa kinoorowa okhuma molumwenkuni, nto miyo karowaru, vano awo anoosuwela Eyo. Amosa-amosa wa nyuwo amirawa munoosuwela kironwe-ene. Munnona? Masi Muluku khaarowa otthuniherya wiiriwa naanaano va. Munnoona etthu . . . munnisuwela enihimy'aka. [Nipuro vahiiitthu mufiitani—Mol.]

⁹¹⁷ . . . Ekakhana yaamukhaani paahi ya mwaaruusi. Khula mutthu onoowerya okhalana. Ni kookupali wira Munna Sothmann ohimnye wira owo aahimuhiya Bibilia va emaara yookiserya owo aary'awe vaava, kookupali. Ookhala omphwannye Bibilia, bi—Bibilia orimenle vaava va? Mwamphwanya vale, t'a Munna Fred Sothmann a oCanada. Vano nivekele.

⁹¹⁸ Pwiya, mmoriwe ikharari, okathi esipo entthunaaya oruma voomaaleleya ni Munna Neville onrow'awe ottikitthela makhura, miyo kinrowa owiixaatherya matata aretta mwa Nsina na Yesu. Munivahe, Pwiya, wira evonihwiwe. Amen.

⁹¹⁹ Atthu othene avekeleke, vano, atthu othene. Vaareera.

Pwiya, mwaamukhaani, apwaapu awe yeemenle va mwaha wa yoowo. Owo ti yoomuneena eleethi, eleethi yothene. Masi Nyuwo mookhalana Owerya wothene ni mwanamwan'owo khonwerya okhalana waamini mmansawe. Vano nto, Pwiya, miyo kinimwaamini mwaha wa yoowo, n'axitiithi awe ni axipwaapu awe nto hiyo niniira, mwa Nsina na Yesu, wira mwaan'owo awerye owurya eleethi ni akhale mukumi wa ovuwa wa Muluku. Amen. Enrowa okhala siiso.

Oh, Muluku, owo onaavekelela atithi awe. Miyo kinvekela ni yoowo wira Nyuwo mwaavonihe atith'awe ni mwaavahe ele awo antthun'aya, mwa Nsina na Kristu. Amen.

920 Vano, yookhweya kahiyo? Atthu anoovekela, masi ti yeeyo atthu...Awo amphavela etthu yuulupale nto awo anookattyamiha. Muluku onikhaliha yookhweya. Nyuwo munikhaliha yoorika nto munooohaleela. Munnona? Mukhalihe paahi... Muhiye ekhale yookhweya ntoko Muluku sihimaly'awe wira: "Ithoonyeryo iya sinimwaatthara ale anrowa waamini; awo yawiixaatherya matata aya aretta, awo anoopenuwa," ntoko Muluku sihimaly'awe.

921 Hiyo nnimwiixaatherya matata muthiyan'ola, Pwiya, munn'ihu eemenle va, ni wira avonihawe ntoko sinvekel'ahu, mwa Nsina na Yesu Kristu. Amen.

922 Tithi, okathi onimwiixaathery'ahu matata munn'ihu, mwa Nsina na Yesu Kristu, nimuupuwelaka Bibilia ni mwiixuttiho w'Apwiya, ola avonihawe.

Tithi, mwa Nsina na Kristu, hiyo ninvekela ovonihawa wa munn'ihu, ni kinvekela wira Nyuwo munvonihe ntoko hiyo nniwelel'ahu Masu Anyu, hata ohoverya mmuruni mwaka wira owo aamuwerya okhala...?... Amen.

923 Tithi, hiyo ninnimwiixaatherya matata munn'ihu muthiyana, ni ninvekela wira, mwa Nsina na Pwiya Yesu, nyuwo munvonihe ni mmukhalihe mukumi. Amen.

Mwa Nsina na Pwiya Yesu, hiyo ninnimwiixaatherya matata munn'ihu ni woovekelani wira Nyuwo mmukhalihe mukumi wa ovuwa wa Muluku.

Tithi, mwa Nsina na Pwiya Yesu, hiyo ninnimuttikitthela munna muthiyana, ni omwiixaatherya matata n'uvekela ovonihawa wawe mwa Nsina na Yesu.

Tithi Muluku, hiyo ninnimwiixaatherya matata munn'ihu, hiyo ninvekela wira, mwa Nsina na Yesu Kristu, okathi hiyo onimuttikitthel'ahu yoowo Nyuwo mmukhalihe mukumi.

Tithi, va, amwaar'awe oophentiwa...?...waattikitthela ni owiixaatherya matata, nivekaka, mwa Nsina na Yesu Kristu.

924 Pwiya Muluku, hiyo nimmuttikitthela Edith mwaamukhaani, omwiixaatherya matata, ni ninvekela mwa Nsina na Pwiya Yesu Kristu wira Nyuwo munvahe yoovekela awe.

Tithi, wa amey'awe, hiyo nave-tho ninnimuttikitthela ni omwiixaatherya matata n'uvekela ovonihawa wawe, mwa Nsina na Pwiya Yesu Kristu, ola avonihawe.

925 Tithi, hiyo ninnittikitthela nniya nla nooreeraxa na emusi ila, onvava murima vakhani, mwa Nsina na Pwiya Yesu, nihiku nimoso naahinvahererya wa Yoowo, nto kinvekela wira Nyuwo munvonihe...?...

926 Oh Muluku, Nyuwo munnisuwela yoovekela ya munn'ihu muthiyana ni hiyo ninnooxukhuruni Nyuwo mwaha wo waamini

wawe woomaala murima. Vano, itthu iyo owo onvekel'awe, wira...?. . .owo aathweelan'awe ory'ene mwaamukhaani, nto Muluku, nwanani amuhiye muthiyan'owo ataphuwe ni arwe owaani mukumi, Pwiya. Hiyo ninninkelela mulopwan'owo, nave, owo ovekenly'awe mwaha wa yoowo, Nyuwo moolaiherya, "Mwaavekelaka etthu p'itthu mwa Nsina Naka, Miyo kinimwiira." Miyo kinvekela wira Nyuwo munivahe yoovekela ela, mwa Nsina na Yesu. Amen. Muluku ooreeriheni.

⁹²⁷ Pwiya, mutika ola onikhwa vayuuci va munn'aka, hiyo ninvekela wira ekumi ephuwele, nimwiixaatheryaka matata n'uvekela, mwa nsina na Yesu, wira mutik'owo okhale mukumi.

Tithi Muluku, hiyo ninnimwiixaatherya matata munn'ihu vamanly'ahu omuttikitthela ni makhura, mwa Nsina na Pwiya Yesu Kristu, hiyo ninvekela ovonihiwa wawe. Amen.

⁹²⁸ Tithi a Wirimu, ntoko munn'ihu emerenry'awe icalelo suulupale Nyuwo mukumihenryaanyu, owo onneemela mwaha wa mmosa wa murumeyi Anyu, murumeyi, oowuukhuwa saana; murim'ahu w'epathanelo onnirowa ni yoowo hiyo noosuwela etthu onvir'awe-mo. Miyo kinvekela, Muluku, wira Nyuwo mmuttikitthele munn'ihu mwaha wo weemela va mwaha wa yoowo ni mmuttikitthele wa ovonihiwa wawe. Miyo kinvekela, mwa Nsina na Kristu. Amen. . .?. . . Apwiya annisuwela. . .?. . .

⁹²⁹ Yooreera. Nkireere otteeliwa murima. Owo vekeekhai muttikitthelo w'Apwiya. Pwiya Muluku, muthiyan'ola nuumala ovuluxiwa mwa xetwani owo aawananny'awe mwa miyaakha, nihiku nimosa Nyuwo mwaahinvirihia owaani iwe vano nto Erooho khurwa, "SIISO ANIHIMYA T'APWIYA," vaamanly'awe wunla, owo aaruupaathale waltaari, owo aahiira sothene aasuwel'awe moota wo wira, masi yaatthuneiyi SIISO ANIHIMYA T'APWIYA. Vano, owo onoorwa mwaha wa mwaana a munn'awe onrapheyasa; oohiwerya weetta, oovikana mwaakha mmosa. Miyo kinvekela, Pwiya, wira Nyuwo munvahe iparakha sa Muluku mwa Nsina na Yesu Kristu. Nkireere otteeliwa murima mwaha wa yeeyo, muna, enkhalo ntoko yovirikana, nave. Nto nyuwo muri ottaiwene w'okhwa vano, kahi siiso?

Tithi Muluku, hiyo ninvekela wira Nyuwo mmureerihe munn'ihu muthiyana okathi onimuttikitthel'ahu ni omwiixaatherya matata n'uvekela wira etthu ila Nyuwo muhimaly'anyu: "Ithoonyeryo iya sinimwatthara ale anrowa waamini. Awo anoowiixaatherya matata aretta, awo anoovona." Hiyo ninnihimya okhala alipa-oowaamini, Pwiya, tivo hiyo ninvekela wira Nyuwo mwiire etthu, mwa Nsina na Yesu. . .?. . .

⁹³⁰ Tithi Muluku, nisuwelaka murima wa mwamuthiyan'ola, okhala wira owo ookumiherya ota, hiyo ninvekela wira Nyuwo mummorele ikharari ni munvahe yoovekela owo onvekel'awe. O Tithi Muluku, w'amusi awe, w'ana awe, mmiravo awe, vanci-enexa, Muluku, kinvekela vano, wira Nyuwo munvahe itthu


iya . . . ? . . . ni murima aka wothene, miyo kinvekela, mwa Nsina na Yesu. Amen.

Tithi Muluku, nimuttikitthelaka muthiyan'ola ni makhura, kinninkelela mwa Nsina na Pwiya Yesu, wira Nyuwo munvonihe ni mmukhalihe mukumi wa ovuwa wa Muluku.

⁹³¹ Nsina nanyu khinaarowa okhala West, naamukhala?

Tithi, hiyo nininkelela muhano mwaamukhaani. Owo onvekela mwaha w'atithi awe. Vano, kinvekela wira Nyuwo munvahe atithi awe, mwiihane murim'aya, Pwiya. Owo onthuna wira awo yoopowe. Owo khonthuna wira awo ekhale molumwenkuni ntoko siry'aya, ola, mwan'aya, oomuyara aya. Miyo kinnivekela, Tithi, wira Nyuwo mwaamorele ikharari, mwa Nsina na Kristu.

⁹³² Mureerihwe, mwan'aka, Muluku oovaheni, etthu evekenly'anyu.

Muluku oophentiwa, hiyo ninvekela wira owo omoreliwe ikharari, ni ninvekela wira Nyuwo mmoriwe ikharari, okathi onimuttikitthel'ahu . . . ? . . . 

57-1006 Sookoha ni Soowaakhula aHeperi Mpantte III
Branham Tabernacle
Jeffersonville, Indiana wAmerika

EMAKHUWA

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinvwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®.

Mwaaphavelaka wiiwa-tho wala ikaruma sikina sikhhanle, xontte mulavule ni:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org